

Renobacion di pier dilanti ex-Brisas del Mar na Savaneta a keda cla



ORANJESTAD (AAN): Minister di Sector Primario, Geoffrey Wever a anuncia ya caba cu e renobacion completo di e pier di ex-Brisas del Mar na Savaneta a wordo finalisa cu exito. Cu esaki, un infraestructura esencial pa nos piscadornan y pa e comunidad di Savaneta ta oficialmente habri bek pa uso publico.

E pier di ex-Brisas del Mar ta un punto fundamental pa piscamento, landamento y actividadnan comunitario. Cu su reapertura, nos ta restablece un espacio vital pa actividad economico y social den Savaneta. Ministro a gradici tur stakeholder cu a contribui, e contratista y su ekipo tecnico, e funcionarionan di Santa Rosa y asesoranan, Fundacion Savaneta Prome Capital, y specialmente e comunidad di Savaneta pa nan pasenshi durante e periodo di trabao. *Mas detaye na Pagina 2.*

Alumnonan di Maria College cu nan cruz di shinishi

ORANJESTAD (AAN): Riba Diaranson di Shinishi, por a nota cu varios fiel a acudi na Misa trepan pa ricibi nan cruz di shinishi riba nan frenta. Pesey na trabao y na scol, ta hopi persona a sigui nan dia normal cu e cruz marca riba nan frenta. Aki tin 2 alumno di Maria College MAVO cu a keda henter dia cu nan cruz di shinishi.



Parlamento ta wordo stroba pa haci su trabao di control

Denuncia di Parlamentario Xiomara Maduro

- No tin informacion financiero di e ultimo kwartaal di aña 2025
- Gobierno mester percura pa e ta transparente con ta gasta placa

Aruba a conoce e prome miyonario pa 2026 cu Lotto



ORANJESTAD (AAN): Diamars anochi 17 di februario tabata tin e sorteo miyonario di Mini Mega y Mega Plus. E numbernan ganado di Mini Mega pa diamars anochi tabata: 10-11-17-29 y e Mega Ball: 01 y manera e resultado a wordo procesa a bin haya sa cu tin 1 solo ticket ganado.

E feliz ganado a gana e jackpot total di Mini Mega y Mega Plus di 1 miyon 750 mil florin cu a wordo bendi na rebendado Lucky Cher-Ann 2.

Diaranson, Aruba ta sera

conoci cu e prome feliz miyonario cu Lotto, e loteria di Aruba pa aña 2026. Miloushka ta conta cu el a cumpra numbernan loco na Lucky Cher-Ann 2 y ora cu el a haya sa cu tabata tin 1 solo ganado pa e sorteo miyonario di diamars anochi, el a bay check su ticket y pa su gran sorpresa e tabata tin e ticket miyonario di Afl. 1.750.000,-!

Den e mesun temporada aña pasa Aruba a conoce e miyonario cu a gana e jackpot record di Afl. 4.350.000,- cu Aruba a conoce cu e wegá di Mini

Mega y Mega Plus!

Lotto, E Loteria di Aruba tin diferente wegá, Catochi, Big 4, 1-OFF, Zodiaco, Wegá di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Minister Geoffrey Wever:

Renobacion di pier dilanti ex-Brisas del Mar na Savaneta oficialmente completa

• Un proceso di destaho transparente, ehecucion rapido y resultado concreto pa sector primario



ORANJESTAD (AAN): Minister di Sector Primario, Geoffrey Wever ta orguyoso pa por anuncia cu e renobacion completo di e pier di ex-Brisas del Mar na Savaneta a wordo finalisa cu exito. Cu esaki, un infraestructura esensial pa nos piscadornan y pa e comunidad di Savaneta ta oficialmente habri bek pa uso publico.

E proceso a cuminsa cu un proceso di destaho conforme cu ley, cu a garantiza transparencia y competencia husto. Despues di e evaluacion tecnico y financiero, e destaho a wordo otorga na un contratistacu amplio experiencia den construccion y renobacion di piernan na Aruba. Na september 2025, Minister di Finansa, Asunto Economico y Sector Primario,

Geoffrey Wever, a firma e Uitvoeringsovereenkomst, formalizando e inicio oficial di e proyecto.

Posteriormente, cu e acto di groundbreaking apensa algun dia pasa, e trabaonan a cuminsa oficialmente. Durante e periodo di ehecucion, e pier a keda temporalmente fuera di uso, pa asina por realiza un renobacion profundo, incluyendo palo y instalacion di trapi completamente nobo, cu enfoca riba durabilidad, seguridad y funcionalidad.

E proyecto aki ta parti di e compromiso concreto di Gobierno, manera stipula den e Programa di Gubernacion AVP-Futuro 2025-2028, pa fortifica e sector primario y mehora infraestructura basico pa nos piscadornan. Pa e trayectoria aki, a wordo aloca un in-

version di Afl. 500.000 pa renobacion di diferente piernan rond di Aruba, cuminsando cu Savaneta.

E pier di ex-Brisas del Mar ta un punto fundamental pa piscamento, landamento y actividadnan comunitario. Cu su reapertura, nos ta restablece un espacio vital pa actividad economico y social den Savaneta.

“E culminacion di e proyecto aki ta muestra cu

ora nos combina planificacion serio, proceso transparente y ehecucion eficiente, nos por logra resultado concreto pa nos comunidad. Mi kier gradici tur stakeholder cu a contribui, e contratista y su ekipo tecnico, nos funcionarianan di Santa Rosa y asesoran, Fundacion Savaneta Prome Capital y specialmente e comunidad di Savaneta pa nan pasen-

shi durante e periodo di trabao. Awe nos ta entrega un pier mas sigur, mas fuerte y cla pa futuro,” minister Wever a declara.

Gobierno ta reafirma su compromiso pa sigui inverti den infraestructura esensial cu ta sostene crecimiento economico, seguridad alimenticio y desarrollo duradero di e sector primario di Aruba.

Stichting Bernhardstraat a keda oficialmente estableci



ORANJESTAD (AAN): Un momento significativo a tuma luga ora representantenan di Stichting Bernhardstraat a firma oficialmente, dilanti notario, e acta pa bira formalmente un fundacion. Segun presidente John Hassel, e formalisacion aki no ta solamente ta un paso legal, pero un declaracion cla di e compromiso pa traha activamente na beneficio di San Nicolas y e Bon Comun.

“Una bes bo bario ta bira bunita, hende ta comunica mas cu otro, nan ta yuda otro y nan ta involucra nan mes



mas,” Hassel a indica.

E vision di Stichting Bernhardstraat ta enfoca riba embelecimento y renobacion di e area rond di Bernhardstraat, incluyendo restauracion di fachada di edificio y colaboracion cu contratistanan, sponsor y boluntarianan pa duna e bario un aspecto renoba.

Un ehempel menciona tabata e mural na Chocolate City cu lo honra Julio Bernardo Euson, como simbolo di con arte y identidad cultural ta fortalece orguyo comunitario. Segun Hassel, ora un area fisico ta mehora, e impacto social ta

sigui automaticamente.

E iniciativa ta forma parti di un movimiento mas amplio den San Nicolas, caminda organisacionnan local ta tuma liderazgo pa revitalisa nan propio area, den linea cu e espiritu di Bon Comun, promovi durante e conferencia. Cu e firma oficial dilanti notario, Stichting Bernhardstraat a marca e inicio di un etapa nobo, caminda colaboracion, creatividad y compromiso comunitario ta central pa crea un San Nicolas mas bunita, mas uni y mas dinamico.

Parlamentario Xiomara Maduro:

Parlamento ta wordo stroba pa haci su trabao di control

- *No tin informacion financiero di e ultimo kwartaal di aña 2025*
- *Gobierno mester percursa pa e ta transparente con ta gasta placa*

ORANJESTAD (AAN): E ta importante pa Gobierno ta transparente riba e manera con e ta gasta placa di Pueblo. Pa e motibo aki cada kwartaal Gobierno ta publica su cifranan den un Uitvoeringsrapportage, miho conoci como URK cu ta keda publica riba e website www.gobierno.aw y www.finance.gov.aw.

“Nos ta yegando fin di februari y ainda Gabinete AVP Futuro no a publica e cifranan di e ultimo kwar-



taal di aña 2025. Algo cu ta lamentable, ya cu di e manera aki Parlamento

no tin un bista financiero completo di aña 2025 y no por cumpli cu su trabao di

control riba Gabinete AVP Futuro,” Parlamentario Xiomara Maduro di Fraccion di MEP ta epxresa.

E falta di transparencia aki ta trece cune cu CAft como supervisor financiero, tam poco por duna un opinion riba e manera con e maneho financiero a wordo hiba pa Gabinete AVP Futuro den e ultimo cifranan di e ultimo kwartaal di 2025, locual ta haci e falta di transparencia di Ministerio Wever di Finansa uno mas grandi

pa Parlamento Y Pueblo.

“Sigur ora bo corda riba e critica constante di Gerlien Groes den oposicion y e gabamento di Geoffrey Wever cu tur retraso den raportahe financiero a pasa pa historia, Pueblo no ta spera cu februari ta cera sin transparencia financiero di parti di Gerlien Croes y Geoffrey Wever,” ta e critica cu Parlamentario Xiomara Maduro ta trece dilanti na conocimiento di Pueblo.

Alumnonan di Maria College na scol cu nan cruz di shinishi



zo di 40 dia di Cuaresma, sirbiendo como un dia solemne di yuna, arepentimento, y reflexion pa Cristianan, particularmente Catolico y hopi tradicion Protestant. E ta nifica e comienso di un periodo di

preparacion pa Pasco di Resurreccion. E shinishi ta simbolisa e deseo pa arepentimento pa pica y regresa bek cerca Dios, actuando como un señal visibel di un dedicacion interno pa conversion.

Danilo a gana bon placa hungando sorteo di Zodiac



ORANJESTAD (AAN): E wegá di Zodiac ta sigui di ta popular na Aruba. Y keto bay tin hende cu ta sigui gana cu nan numbernan vast.

Esey ta loke Danilo a haci recien, y el a bin mira cu su numbernan a sali tambe! Pesey riba Diamars el a acudi na oficina di Lotto pa reclama su premio. Aki e funcionaria a revisa su ticket, y ora di scan e barcode, e computer a confirma cu el a gana 12.500 Florin cu e sorteo di Zodiac.

Mesora a sigui cu e proceso pa transferi e premio electronicamente pa su cuenta di banco. Danilo a splica cu e ticket ganador mes a wordo cumpra na Shete Dia Lottery.

ORANJESTAD (AAN): Riba Diaranson di Shinishi, por a nota cu varios fiel a acudi na Misa trempan pa ricibi nan cruz di

shinishi riba nan frenta. Pesey na trabao y na scol, ta hopi persona a sigui nan dia normal cu e cruz marca riba nan frenta. Esaki-

nan ta alumnonan di Maria College MAVO cu a keda henter dia cu nan cruz di shinishi. Diaranson di Shinishi a marca e comien-

Movimiento Electoral di Pueblo y su rol den identidad Arubano durante 55 aña

ORANJESTAD (AAN): - Durante 55 aña, Movimiento Electoral di Pueblo (MEP) a hunga un rol hopi importante pa desaroya y fortalece e identidad Arubano. MEP no ta solamente un partido politico, sino un movimiento social y cultural cu a logra uni, e lucha di un pueblo, e orguyo di su cultura, y e aspiracion nacional den un solo ideal: un Aruba cu tin su mesun bos, su mesun rumbo, y su mesun identidad.

Un lug digno pa Aruba den Reino Hulandes

Desde su fundacion riba 9 di februari 1971, MEP a pone enfasis riba e idea cu Aruba ta un pueblo cu merece autonomia, respet, y un lug digno den e Reino Hulandes. E vision ey a bira un motor directo pa e proceso historico cu a hiba Aruba na logra su Status Aparte na 1986. E logro ey no a keda solamente como un cambio politico, pero como un cambio emocional y cultural. El a bira e momento na unda Aruba a cuminsa mira su mesmas fuerte, mas firme, y mas consciente di su balor como pueblo.



Aruba su simbolonan nacional

Un di e aportenan mas grandi di MEP na cultura di Aruba ta e manera cu e movimiento a motiva y impulsa e pueblo pa adopta y respeta simbolonan cu ta refleha nos identidad como Arubiano. Entre e simbolonan principal tin:

E Bandera di Aruba, como un señal di unidad, orguyo y reconocimiento internacional.

E Himno Nacional "Aruba Dushi Tera", cu ta expresa amor, lealtad y sentido di pertenencia pa nos isla.

E Escudo di Aruba, cu ta recorda nos historia, nos naturalesa y e caracter fuerte di e pueblo Arubano.

E Moneda propio, como expresion di mas autonomia y control riba nos propio futuro. E mensahe tras di cada un simbolo ta: Aruba ta un pueblo cu kier defini su mes, no solamente den gobierno, pero tambe den identidad.

Idioma, custumber y orguyo di pueblo

MEP a forma parti di e lucha pa preserva Papiamentu, e costumbenan local, y e orguyo di

ta un Arubiano. Pa hopi ciudadano, e partido a representa e bos di e pueblo comun: trabou, famia, y e barrio. Den e lucha social, MEP a duna espacio pa e identidad popular: e musica, e forma di papia, e manera di celebra, y e sentido di comunidad cu ta tipico Arubano.

Betico Croes como simbolo di consciencia nacional

E liderazgo di Gilberto "Betico" Croes, como fundador y simbolo di lucha, a keda como un elemento clave den e consciencia nacional. Pa hopi Arubiano, Betico no ta solamente un lider politico, pero un representacion di perseverancia, dignidad y amor pa patria. Su legado a sigui inspira generacion tras generacion, y a keda liga cu e idea cu Aruba mester por traha riba su propio fu-

turo.

Un legado cu ta biba den identidad

Den su totalidad, e contribucion di MEP durante 55 aña ta keda visibel no solamente den politica, pero den manera cu Aruba a siña mira su mes: como un isla chikito, pero cu un identidad grandi. Un pueblo cu tin su cultura propio, su simbolonan nacional, su idioma, y un sentido di orguyo cu no mester perde su esencia pa progresa. MEP, como movimiento, a laga un marca profundo den historia Arubano: un marca cu ta sigui biba den e bandera cu ta waya, den e himno canta di curason, den e escudo cu ta representa e isla, y den e pensamiento cu Aruba tin derecho pa para firme riba su propio pia.

Muchanan di scol ricibiendo nan cruz di shinishi



ORANJESTAD (AAN): Riba Diaranson mainta, muchanan di scol a yega te den Misa Santa Anna na Noord, pa asina nan a ricibi cruz di shini-

shi. Di e forma ey e muchanan ta siña cu nan ta keda henter dia cu e cruz marca riba nan frenta, y a haya spli-cacion di su motibo.

Diaranson di Shinishi a marca e comienzo di 40 dia di Cuaresma, sirbiendo como un dia solemne di yuna, arepentimento, y reflexion pa Cristiannan, particularmente Catolico y hopi tradicion Protestant. E ta nifica e comienzo di un periodo di preparacion pa Pasco di Resurreccion.

E shinishi ta simbolisa e deseo pa arepentimento pa pica y regresa bek cerca Dios, actuando como un señal visibel di un dedicacion interno pa conversion.



CONTACT ME!

(297) 560-0029

Mi nomber ta Eva Weaver y mi ta na bo servicio.

Boldrealestatearuba.com

JHI Jolley Holding Aruba
V.B.A.

JOB OPPORTUNITY

All-round Administrator

Jolley Holding consists of 25 operating companies with diverse activities such as car dealers, car rental and leasing, retailing of souvenirs, gifts, books, leisure clothing etc, wholesale of consumer goods and pharmaceuticals, industrial laundry, real estate. The Group is active in Aruba, Bonaire, Curaçao and Antigua.

For one of our companies within the Jolley Holding Group, we are looking for an All-round Administrator who is available at short notice. In this position, you will be independently responsible for the full administration of the subsidiary and report directly to the Financial Controller and General Manager.

Key Responsibilities:

- Independently manage the complete financial administration of the subsidiary.
- Book purchase invoices, goods receipts, bank statements, and depreciation entries.
- Monitor, track, and collect debtors.
- Check, process, and pay creditors.
- Ensure timely monthly, quarterly, and annual closings.
- Process all financial transactions accurately.
- Analyze financial results and prepare general ledger specifications.
- Prepare periodic financial reports.

Profile & Qualifications:

- SPD education (or equivalent working and thinking level).
- Experience with EXACT accounting software is highly desirable.
- Strong proficiency with various computer systems and software, including Excel.
- Stress-resistant, results-oriented, and able to prioritize effectively.
- Strong social and communication skills; a true team player.
- Good command of Dutch and English, both spoken and written.

What We Offer:

- A salary based on the responsibilities of the position, with opportunities for career development.
- Excellent secondary employment benefits.

Contact Information:

Is this the job you are looking for?
Apply by sending your application and resume to Human Resource at hrrm@jolleyholding.com with subject line "All-round Administrator".
For more information call (+297) 528-9550.

All information will be treated with the utmost confidentiality and discretion.

Presidente di Parlamento Marlon Sneek:

Durante IPKO 2026 lo discuti riba e trato diferente cu paisnan di Reino a haya riba prestamo di Covid



ORANJESTAD (AAN): Presidente di Parlamento Marlon Sneek elabora den corto riba algun tema cu lo tin riba agenda durante e reunion di IPKO cu awe, diahuebs ta tuma luga na Aruba entre Parlamentonan di Reino. Principalmente, el a pone enfasis riba e trato diferente cu paisnan di Reino a haya riba prestamo pa e mesun problema, esta

Covid.

E tema di e situacion na Venezuela ta keda uno di relevancia pa nos pais na unda cu a base di informacionnan pertinente, por tuma desicionnan como pais riba e siguridad di e region y si Aruba ta cla pa habri frontera.

Riba e tema economico, lo papia di e tipo di negoshinan cu por bin na Aruba y cua companian-

an tin interes pa inverti na Aruba entre otro den almacenahe pero tambe pa start un refineria nobo.

E tema di enseñansa, specialmente riba e tema di hobennan cu ta studia den exterior y con pa atende cu nan despues cu nan bolbe di nan estudio y ta haya nan den debe. E problematica di vivienda pa studiantenan na Hulanda tambe lo haya atencion.

Presidente di Parlamento a enfatisa cu e tema di deficit den Reino tambe lo ser trata. Especialmente riba con pa haci cambionan pa garantiza cu cada partner den Reino ta sinti su mes di berdad na cas.

El a remarca cu tempo cu Aruba a tuma e debe di Covid, tawatin cuatro pais den Reino. Hulanda, Corsou, Sint Maarten y Aruba. Hulanda a haya

dispensacion pa e prestamo cu nan a haci. Sint Maarten a haya na 0%. Corsou a haya na 3.1% y Aruba a haya na 6.9%. Esakinan, segun e, ta e tipo di discusionnan cu ta tumando luga pa algun tempo caba den diferente reunion di Reino, entre otro IPKO y Tripartiet.

“Con ta posibel cu pa e mesun prestamo pa e mesun problema, toch bo ta wordo trata diferente. Esaki ta e deficit democratico cu tin cu ta

wordo discuti den varios reunion y lo atende cu esaki y pa once and for all kita tur e discrepancianan aki”, Presidente di Parlamento Marlon Sneek a expresa.

IPKO ta tumando luga na Aruba entre delegacionnan di tur pais den Reino, cuminsando awe 19 di februari y lo termina diasabra 21 di februari, cu firmamento di e lista di acuerdonan y un conferencia di prensa.

Departamento di Asunto Social: Edificio na San Nicolas ta den e prome fase di e proceso pa renobacion



ORANJESTAD (AAN): Departamento di Asunto Social (DAS) ta brinda guia y sosten pa persona of famia cu pa un of otro motibo ta experiancia un momento dificil den nan bida. Entre otro, nos ta brinda servicio di guia social, sosten financiero, abogado liber y sosten psicosocial y emocional den e seccion di bida y famia.

Aña pasa, tabata un aña yena cu cambio pa e organisacion, entre otro ‘rebranding’ y cambio di localidad. Actualmente, DAS tin tres localidad, esta na Caya Mario E. Harms 11, Savaneta 6 y MFA Noord. DAS a crea accesibilidad y oportunidad pa cada cliente tin un localidad cerca di nan distrito.

DAS tabata kier a remarca cu e edificio na San Nicolas conoci como “hospital bieu” unda a brinda pa añanan servicio na clientenan, no lo keda bandona. E edificio aki ta den e prome fase di e proceso pa renobacion. E ta un proceso cu lo tuma tempo, pero cu lo tin su fruto pa futuro. Mientras tanto, DAS ta sigui traha cu e vision di crea bienestar pa nos tur.

*Parousia
Nursing Care*

*Cuido pa hende grandi den
nan mesun cas 24/7*

Jama nos 7458287

Aruba a briya na New York Fashion Week!

Embahador Cultural Michael Lampe orguyoso di talento Arubiano



ORANJESTAD (AAN): New York a bira escenario pa un momento di orguyo nacional ora talento Arubiano a participa na New York Fashion Week, un di e plataformanan di moda mas prestigioso den mundo. Diseñadora Arubano Quianna a presenta su trabou cu confiansa y profesionalismo riba e escenario internacional.

Embahador Cultural di Aruba, Michael Lampe, tabata presente pa sostene y acompaña e participacion, como parti di su compromiso pa posicionar creatividad Arubano riba mapa global y fortalece relacionnan cultural entre Aruba y exterior.

“Mi ta hopi orguyoso di Quianna,” Lampe declara. “Pa subi un escenario internacional ta exige disciplina, preparacion y perseverancia. No tur talento automaticamente ta cla pa nivel mundial, pero cu bon preparacion mi ta sigur cu nos lo bay sigui pone Aruba su number riba un nivel internacional.” Lampe enfatisa cu e presencia na New York Fashion Week no ta solamente un logro individual, sino un señal cu sector creativo di Aruba tin potencial real pa compiti y colabora internacionalmente. “Si nos kier pa Aruba sigui briya, nos mester inverti activamente den desaroyo di

talento, creando estructura, acceso y oportunidadnan concreto. orguyo nacional mester bai man na man cu strategia y sostenibilidad.” E participacion di Quianna marca un momento importante pa visibilidad cultural di Aruba y confirma cu creatividad Arubano tin su propio espacio riba escenario mundial.

Un danki na FDLA y Aruba Fashion Week pa traha hunto pa yuda nos talentonan.



AANKONDIGING

A.R.no.AUA202600274EJ

Bij exploit van 17 februari 2026 van de deurwaarder B. R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: ELENA KUKHTINA; zonder een bekende woon en/of verblijfplaats op Aruba of elders; OPGEROEPEN: om op MAANDAG, VIJFENTWINTIGSTE (25^{ste}) MEI 2026 des voormiddags om 09:40 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Norman Dionis Sebelon, ingediend verzoek te worden gehoord.

De deurwaarder voornoemd,



AANKONDIGING

A.R.no.AUA202600181EJ

Bij exploit van 17 februari 2026 van de deurwaarder B. R. Roos, waarvan een afschrift is gelaten aan de Directeur van de DWJZ op Aruba, die het origineel voor GEZIEN heeft getekend, is: ANGEL FELIPE FORTUNATO; zonder een bekende woon en/of verblijfplaats op Aruba of elders; OPGEROEPEN: om op MAANDAG, VIERDE (4de) MEI 2026 des voormiddags om 09:40 uur; ter terechtzitting van het Gerecht in Eerste Aanleg van Aruba, gevestigd aan het adres J.G. Emanstraat nr. 51 op Aruba, te verschijnen teneinde op het door Nuyoka Maria Arrindell, ingediend verzoek te worden gehoord.

De deurwaarder voornoemd,

No por paga number di auto 2026 si tin debe riba añanan anterior Meverly Romano di DIMP ta splica cu e tardansa di comprobante di pago pa aña 2026



ORANJESTAD (AAN): Den un entrevista recien cu DIARIO, señora Meverly Romano di Dimp a duna aclariacion riba e reclamonan cu tin riba tardansa di comprobante di number di auto pa aña 2026. Segun el a splica, tur persona cu ta paga online via banco, Dimp ta pidi pa haci un peticion pa nan ricibi e recibo di pago oficial, dus esun di Departamento di Impuesto mes.

Segun señora Romano, Dimp a introduci e sistema aki pa paga online pa un tempo caba y ta conta pa tanto comerciante como pa personanan priva. E motibo

cu a introduci esaki ta pasobra den transcurso di añanan, a ripara cu e cantidad di numbernan cu tin ta hopi halto y dado momento hopi persona tabata acudi na Dimp pa haci nan pagonan di impuesto y tabata forma rijnan largo te den parkinglot y pa oranan largo ta keda para den solo.

E proceso di pago a keda mescos. Clientenan ta haci pago via banco, ta yena un formulario digital cu ta obtenibel riba website di Dimp, y e ta upload e comprobante di banco. Y despues di esaki, e departamento di administracion ta procesa e recibo di pago.

Señora Romano a duna di conoce cu tin hopi cliente cu tin debe atrasa di pago di number di auto pa mas di un aña. Den e caso aki, no por paga personal na Dimp si tin debe atrasa, kiermeen nan no ta wordo permiti pa paga aña 2026 tanten cu e debe atrasa no wordo paga completamente.

Hopi cliente e ora kier maluz a sistema. Nan ta paga via banco y ta yena den e descripcion cu nan ta paga, den e caso aki, aña 2026, mientras nan tin debe riba añanan anterior.

Pero, señora Romano a enfatisa, e sistema ta traha di tal manera, cu ora un persona realisa un pago, aunke e ta pone 2026, ora administracion ricibi e peticion di e recibo, e regla ta cu tur pago cu drenta, ta wordo aloca prome riba e debe atrasa.

Esaki, señora Romano a enfatisa, ta e motibo pa cua e ta tarda un rato pasobra e departamento mester wak prome kico ta e historia di pago di e cliente prome cu procesa e comprobante. Despues di esaki, e cliente ta ricibi su comprobante di pago via mail.

Presidente di Parlamento di Corsou Fergino Brownbill:

Colaboracion ta un tema principal mara na e agenda di IPKO y Tripartiet

• E desaroyo geopolitico entre Venezuela y Merca por trece oportunidadnan pa paisnan den Reino

ORANJESTAD (AAN): Parlamentonan di e paisnan den Reino desde awe a cuminsa cu e reunionnan di IPKO na unda lo hiba combersacionnan intensivo con ta bay atende cu temanan cu lo hala e paisnan den Reino mas cerca di otro, asina Presidente di Parlamento di Corsou Fergino Brownbill a expresa durante un entrevista despues di yegada di e delegacion di Corsou na Aruba.

El a elabora riba diferente punto di Agenda di IPKO 2026 entre otro e desaroyo geopolitico entre Venezuela y Merca y e oportunidadnan cu esaki por trece pa tanto e paisnan den Reino den Caribe como pa Hulanda tambe. El a remarca, mirando cua ta e direccion cu Venezuela ta bayendo, lo no mira fluho di personanan grandi mas cu ta bay sali di e pais, mas bien ta mirando cu kier yega na un Venezuela hopi mas prospero cu lo mester wak ki beneficio esaki lo tin pa nos islanan.

Segun el a menciona, Venezuela ta conoci pa su petroleo y e intencion di Corsou ta pa wak kico Corsou por ofrece y tambe drenta den e



opotunidadnan cu Merca ta habriendo actualmente. Ya caba Corsou a habri oportunidad pa haci uzo di su tankinan pa almacenahe.

Riba e tema di enseñansa pa nos hobennan cu kier bay studia afo, tambe e presidente di Parlamento di Corsou a indica cu e desaroyo geopolitico den region por tin influencia tambe den esaki. Tanto e paisnan den Caribe como Hulanda ta enfrenta retonan cu studiantenan. Ta necesario pa tin colaboracion entre tur pais den Reino y IPKO ta e plataforma pa yuda den esaki. “Esaki ta un tema pero tin hopi otro cu nos por colabora cu otro cua ta e intencion mara na e agenda di IPKO 2026 y Tripartiet”, Presidente di Parlamento di Corsou Fergino Brownbill a enfatisa.

TESTIMONIO DI AGRADECIMIENTO

MI curpa no tabata 100% despues di corona virus ma cuminsa sinti mi hopi malu di salú, mi tabata mas flacu debil sin forsa cansá mi cabei a cumisá cai, mi coleganan i mi cabei a cumisá cai, mi coleganan i mi famianan a puntrami si a mi tabata tin canser, pasobra mi tabata hopi malu mi cara tabata un morto,



shonnan ma bai dokternan ma hasi hopi test, skaners, ma bebe remedi pero dokternan no tabata wak nada, dia pa dia mi tabata sinti mas debil asta ma laga mi trabou, mi tabata hopi tristu mi tabata pensa cu ma bai muri, pero shonnan un dia ma pensa cu mi mester busca yudansa spiritual. Dios a guiami pa escucha na radio e MAESTRO BENJAMIN danki na Dios ma hasi un sita cu nan pero lo cual mi no tabata sa, cu mi tabata viktima di bruheria, shonnan ta increhibel pero sierto.

MAESTRO BENJAMIN a liberami di un maldishon cumi tabata tin hopi fuerte e maldishon tabata abando cu mi bida,awor mi ta comprende dicen mi no tabata por cura cu dokternan, shonnan despues di un luna mi ta dunando e testimonio aki mi ta 100% bon ma recupera salú, mi peso ta bon, awor mi tan forsa,e gas di mi barica a bai, tur mi curpa mi cara a cambia, mi ta hopi gradisi cu MAESTRO BENJAMIN kerami hendenan aki ta masha profesional, ta master mi ta bisa bosnan si bosnan ta malu cu kebrante di salú i no por cura, yega MAESTRO BENJAMIN ta sana bosnan yama MAESTRO BENJAMIN.

YOUR SAFETY IS OUR CONCERN...

Office: 582-3026

Address: Wayaca Fall 199, Unit # 8

Email: stuartsecurity@hotmail.com

... FOR ALL YOUR SECURITY ISSUES

www.stuartsecurity.com



STUART SECURITY SERVICE



CEL/ 641-4186

E Bon Noticia

No consulta cu e bruhanan bisti den cuero di carne

Skirbi pa: Seferino Tromp

Tin bruhanan cu ta promove nan servicionan den medionan di comunicacion. E bruhanan ta ofrece bo tur sorto di yudansanan, di drecha tur bo problemanan, sanacionnan, suerte etc. y hopi di nan ta bini cu diferente titulonan y nombrenan bao di un capa pa gaña hopi hendenan. No bay na e bruhanan, pasobra unabes cu bo bay, bo ta entrega bo mes na e bruhanan y cu nan demonionan. Esaki ta un pika mortal y condenabel den bista di Dios. Pakico tin algun hendenan conciente di Dios Su boluntad y tog nan ta bay na e bruhanan? Bosonan no ta comprende, cu boso no por ta cu Dios y alaves cu satanas tambe. Den Bijbel Deuteronomio 18: 10-12; Dios Tata ta bisa: "Cu lo no haya meimei di bo, cu ta laga pasa su yiu homber of su yiu muhe pasa pa sacrificio di candela; cu lo no tin lesadornan di futuro, ningun hende cu ta consulta cu e astronon (horoscoponan), ni cu e bruhanan, cu no haya ningun hende cu ta consulta cu e spiritistanan, cu mediumnan, cu no haya ningun hende cu ta adivina (tarot) of na esnan cu ta yama e mortonan (montamento). Pasobra Dios Yave ta aborece na esnan cu ta haci e cosnan aki y precisamente E ta expulsanan for di Su bista." Den Bijbel Leviticonan 20: 6, Dios Tata ta bisa: "Si algun di boso cu ta consulta na e spiritistanan y na e adivinonan pa uni cu nan diosnan falso, lo Mi bira Mi cara contra nan y lo Mi eliminanan den nan pueblo." Esnan cu ta bay na e bruhanan, e diabelnan ta keda nan tras, nan lo sinti hopi movencionnan straño rond di nan, nan lo tende stemnan y hopi bes nan ta wordo posei pa e diabelnan, nan no por drumi anochi y nan no por controla nan mes etc.. Y door di esey e bruhanan ta sigui manda diabelnan pa nan. Hopi di e hendenan aki, cu ta wordo posei pa e diabelnan, nan ta bay para te na e clinica di PAAZ, pa tratamento di psychotic, schizofrenie, dimencia etc..

Hendenan sin fe, ta laganan cai den e sorto di servicionan diabolico aki, na unda cu e bruhanan ta monta pa baha e spiritonan diabolico y nan ta usa bo portret y bo fecha di nacemento den nan ritualnan etc.. Bo fe den Dios ta bisa'bo, pa no bay na e sorto di camindanan robes aki, pero bay na un pastoor of bay na un persona Cristian y hopi spiritual pa e por yuda bo y pa e duna bo un bon consejo y spiertamento di e sorto di e hendenan aki. Ora bo tende y lesa di e sorto di servicionan di e bruhanan aki, no core yama y no core bay di biaha, pero pensa prome y bay busca bo informacionnan na un persona spiritual di Iglesia, pa bo no cai den e trampanan di e diabel y pa bo no ofende Dios cu bo pikanan condenabel.

Na esnan cu ta pensa di bay of cu a bay caba na e bruhanan, den Bijbel 1 Cor. 10: 21-22, Cristo-Hesus ta adverti: "Bosonan no por bebe for di e copa di Señor y den mesun tempo ta bebe for di e copa di e demonionan. Bosonan no por participa na e Cena di Señor y tambe di e demonionan. Acaso boso kier provoca e rabia di Señor? Of acaso boso ta mas fuerte cun'E?" Akinan Cristo-Hesus ta adverti, bo no por ta pretende di ta un Cristian y alaves bo ta bay na e bruhanan. Bo no por ta stima Cristo-Hesus y alaves bo ta bay na e bruhanan. Den Bijbel Levitico 19:26, Dios Tata ta bisa bon kla: "No mete boso mes den bruherianan."

Dios ta bisa bon cla den Bijbel, 2 Tessalonicensenan 1: 8 y 9; "Den candela ardiente pa castiga esnan cu no ta reconece Dios y na esnan cu no ta obedece na Evangelio di nos Señor Hesus. Nan lo paga pa esey cu perdicion eterno lew for di Cara di Señor y di Su Mahestad di Su Forsa."

Parlamentario Xiomara Maduro ta gradici Lord Lally pa su aporte na cultura di Aruba



ORANJESTAD (AAN): Durante Parada Grandi na Playa di Carnaval 72, Parlamentario Xiomara Maduro a haya un momento special pa gradici e artista Solio Sanchez miho conoci como Lord Lally pa su cantica, su perseverancia y e manera cu ela laga Aruba biba su cultura den Carnaval 72. Lord Lally su storia ta uno special cu a toca curason y mente di hopi hende na Aruba y den exterior. Desde 1978 Lord Lally ta participa na e fiesta cultural mas grandi di Aruba cu su canticanan, pero nunca a logra cay den premiacion. Su participacion a haya un paro inespera, ora cu dos aña pasa Lord Lally a pasa den momentonan dificil cu su salud. Sinembargo durante su recuperacion, ta musica tabata dune e forza cu a mantene su spirito bibo.

Cu e mesun pasion di mas di cuater decada dedica na musica di Carnaval, Lord Lally ta bolbe participa den Carnaval 72 cu su banda Hot Ones y su cancion "The Lizard Kacking". Apesar cu Lord Lally no a logra clasifica, e pueblo Arubano a lanta su bos. Pa medio di un votacion di "wild card" organisa pa Stichting Musica, Lord Lally a gana cu 7,463 voto y a pasa pa e final cu apoyo di Jeon, Steve Andreas y mas musico cu a aprecia e perseverancia di Lord Lally. Apoya pa Pueblo y husga pa huradonan, Lord Lally merecidamente a bay cu e corona di Soca Monarch 2026. E historia di Lord Lally ta un

testament di supervivencia, fe y comunidad. Un hende cu despues di adversidad a ricibi e bos y amor di su pueblo, a logra algo historico den Aruba su Carnaval. Aruba por sinti orguyoso, no solamente pa e musica cu a duna nos alegria, sino pa e curason cultural cu ta representa den cada nota cu a keda presenta. "Lord Lally ta un ehempel di

perseverancia. Su cantica a laga Carnaval y nos cultura biba den mente y curason di hopi, tanto na Aruba como den exterior, y esey ta un regalo cu nos tur mester aprecia. Lord Lally, pabien y danki pa e bunita regalo aki cu a laga Carnaval 72 luci aun mas," ta palabranan di gratitud expresa pa Parlamentario Xiomara Maduro.



AANKONDIGING ZAAK

no.AUA20250168KG

Bij exploit van de ondergetekende deurwaarder van 17 februari 2025, waarvan een afschrift is gelaten aan de Directeur van het DWJZ in Aruba, die het oorspronkelijk voor GEZIEN heeft getekend, is ten verzoeken van Fredesvinda GUZMAN; domicilie kiezende te Aruba ten kantore van de advocaat mr. E.M.J. Cafarzuza (David Kock Diazreus International Law Firm), aan: CHRISTOPHER JONATHAN VAN AANHOLT; zonder een bekende woon en/of verblijfplaats op Aruba of elders; BETEKEND: een grosse van een rechterlijke vonnis in kortgeding d.d. 28 januari 2026 van het Gerecht in Eerste Aanleg van Aruba, met nader bepaling en veroordeling. GESCHIEDENDE: opdat hij van een en ander niet onkundig zoude zijn en opdat hij van een en ander tijdig en legaal kennis drage;

De deurwaarder voornoemd,
B.R. Roos



AANKONDIGING ZAAK

no.AUA20250168KG

Bij exploit van de ondergetekende deurwaarder van 17 februari 2025, waarvan een afschrift is gelaten aan de Directeur van het DWJZ in Aruba, die het oorspronkelijk voor GEZIEN heeft getekend, is ten verzoeken van Fredesvinda GUZMAN; domicilie kiezende te Aruba ten kantore van de advocaat mr. E.M.J. Cafarzuza (David Kock Diazreus International Law Firm), aan: ERFGENAMEN VAN WIJLEN YEISON OTALORA MORENO; zonder een bekende woon en/of verblijfplaats op Aruba of elders; BETEKEND: een grosse van een rechterlijke vonnis in kortgeding d.d. 28 januari 2026 van het Gerecht in Eerste Aanleg van Aruba, met nader bepaling en veroordeling. GESCHIEDENDE: opdat zij van een en ander niet onkundig zoude zijn en opdat zij van een en ander tijdig en legaal kennis drage;

De deurwaarder voornoemd,
B.R. Roos



AANKONDIGING ZAAK

no.AUA20250168KG

Bij exploit van de ondergetekende deurwaarder van 17 februari 2025, waarvan een afschrift is gelaten aan de Directeur van het DWJZ in Aruba, die het oorspronkelijk voor GEZIEN heeft getekend, is ten verzoeken van Fredesvinda GUZMAN; domicilie kiezende te Aruba ten kantore van de advocaat mr. E.M.J. Cafarzuza (David Kock Diazreus International Law Firm), aan: ERFGENAMEN VAN WIJLEN YEISON OTALORA MORENO; zonder een bekende woon en/of verblijfplaats op Aruba of elders; BETEKEND: een grosse van een rechterlijke vonnis in kortgeding d.d. 28 januari 2026 van het Gerecht in Eerste Aanleg van Aruba, met nader bepaling en veroordeling. GESCHIEDENDE: opdat zij van een en ander niet onkundig zoude zijn en opdat zij van een en ander tijdig en legaal kennis drage;

De deurwaarder voornoemd,
B.R. Roos



AANKONDIGING ZAAK

no.AUA20250168KG

Bij exploit van de ondergetekende deurwaarder van 17 februari 2025, waarvan een afschrift is gelaten aan de Directeur van het DWJZ in Aruba, die het oorspronkelijk voor GEZIEN heeft getekend, is ten verzoeken van Fredesvinda GUZMAN; domicilie kiezende te Aruba ten kantore van de advocaat mr. E.M.J. Cafarzuza (David Kock Diazreus International Law Firm), aan: CHRISTOPHER JONATHAN VAN AANHOLT; zonder een bekende woon en/of verblijfplaats op Aruba of elders; BETEKEND: een grosse van een rechterlijke vonnis in kortgeding d.d. 28 januari 2026 van het Gerecht in Eerste Aanleg van Aruba, met nader bepaling en veroordeling. GESCHIEDENDE: opdat hij van een en ander niet onkundig zoude zijn en opdat hij van een en ander tijdig en legaal kennis drage;

De deurwaarder voornoemd,
B.R. Roos

Di Canada so Merca ya a perde 4.5 biyon Dollar di entrada

Cantidad di Canades y Europeo a stop di viaha pa Merca

• *Barconan crusero ta uzando Caribe como 'homeport'*



Vuelo recién di Europa pa Merca tabata hopi bashi mes. E ta pasando cu hopi aerolinea.

ORANJESTAD (AAN): Un analisis recién haci riba data di reservacion di pasashi for di Europa pa bishita Merca pa luna di Juli 2026 venidero, a muestra cu el a cay drasticamente, compara cu Juli 2025. Ta muestra claramente cu hopi persona cu den pasado tabata viaha regularmente pa Merca pa pasa vakantie, awor ta cambiando di opinion. Desde 2025 caba asientonan den avion a cuminsa bira bashi.


Pero no ta di Europa so, pasobra aña pasa na Mei 2025 den henter Orlando, e cantidad di turista procedente di Brasil tabata asina hopi, cu tur caminda cu bo cana den Disney World of Shopping Malls na Florida... ta idioma portugues tabata tende. Pero awor cu President di Merca a impone un tarifa extra di \$250 pa cada persona cu busca un Visa Mericano, e ta muestra cu Brasileño nan ta buscando lugar alternativa pa bay pasa nan vakantie.

Canada: Ciudadanonan Canades ta esnan cu mas a stop di bula pa Merca, y e motibonan ta hopi claro. Nan ta teme cu si nan viaha pa Merca, nan tin di duna tur clase di informacion na CBP ora di yega frontera, y e peligro di wordo gara pa

oficialnan brutal di ICE di Inmigracion, cu por detenbo pa cualkier excusa, y lagabo cera pa varios luna. Manera cu a socede cu monton di Europeo, Mexicano, Guatemalteco, Venezolano, Cubano, y hasta ciudadanonan di Jamaica y di Barbados, tin cu tin ya 6 luna cera sin cu sikiera a presenta dilanti Hues.

Canadesnan a stop di viaha pa Merca, cu aerolineanan manera Air Canada, WestJet, y Air Transat ta viahando pa Merca cu asientonan bashi. Air Transat cu tabatin 16 vuelo semanal di Canada pa Florida, ya caba awor ta bulando cu 3 vuelo semanal so, y dia 13 di Juni 2026 nan lo bula e ultimo vuelo di Montreal pa Florida. WestJet a elimina vuelo pa 8 ciudad Mericano, y envez di esey awor ta aumentando viahenan pa Caribe y Centro America.

Tur esey debi cu simplemente no tin pasahero viahando pa Merca. Canadesnan a dicidi cu tin otro lugar mas atractivo pa bishita durante winter. Tur hende ta teme cu nan lo wordo trata masha mahos na CBP ora di drenta Merca, of door di ICE riba caya, y ta disgusta cu president di Merca lo kier converti Canada den estado



Terminal Orlando Airport



Immigration Atlanta Airport

#51 di Merca. E ausencia di Canadesnan na Merca, ya caba a pone tur empresa turistico na Merca y comercio en general, e suma di 4.5 biyon Dollar. Tur esey a bay perdi. Tambe cu cancelacion di monton di vuelo, a perde 450.000 asiento. Statistica ta muestra cu 62% di Canadesnan a stop di cruza frontera pa Merca. Esey ta sin menciona e cantidad di producto y licor Mericano cu ya no ta wordo cumpra ni importa mas na Canada.

Envez di esey, awor Canadesnan ta viahando na gran escala pa e.o. Cancun (Mexico), Belize, Costa Rica, Republica Dominicana, Portugal, Curaçao, y resto di Europa y grandemente pa Asia. Mayornan cu kier a hiba nan yiunan pa Disney World na Florida of Disney Land na California, ta bulando awor pa Paris pa bishita Disney Paris.

Canadesnan ta bendiendo nan vakantie-huis na Florida y Arizona na gran escala. Ultimo lunanan e beachnan na e.o. Tampa, St. Petersburg, Sarasota, etc., ta bashi y casi no tin hende. Varios restaurant den area di Tampa ta cerando. Na Key West tambe negoshinan cu tabatin hopi decada operando, ya a cera nan porta. Turismo pa Las Vegas a cay enormemente.

Cruseronan cu cambio: Companianan crusero tambe ta sinti efecto pisa, principalmente cu nan barconan cu ta uza un waf Mericano como 'homeport', e.o. saliendo di

Miami, of Fort Lauderdale, of Cape Canaveral, of San Juan (Puerto Rico).

El a bira asina drastico, pasobra tin hopi Europeo y Canades cu kier bay riba viahe crusero, pero nan ta nenga di subi e barco na un Waf Mericano. Recien tabatin e caso na Florida, ora cu na waf, e agentenan di ICE a subi abordo, y saca un pasahero cu man na boei y baha bay cu ne. E pasahero masculino aki a resulta di ta un ex-funcionario di US Coast Guard. Despues di 3 ora cu esnan di ICE a ripara nan eror, nan a lag'e bay sin sikiera ofrece disculpa ni nada. E pasahero aki a wordo entrevista pa TV na Arizona, unda cu lagrima na wowo el a papia di e humiyacion enorme con tur hende ta mire den barco ta wordo escolta cu man na boei. Pesey awor na e.o. Barbados, tin varios barco cu a cuminsa uza e isla como "homeport". Vuelonan for di Europa ta sigui yega yen-yen na Barbados pa asina e pasaheronan por subi nan barco crusero eyan.

E isla di Curaçao tambe aworaki ta "homeport" di crusero di Corendon, y pesey tin hopi vuelo for di Europa ta yega eyan pa pasaheronan subi e barco na Willemstad. Tin indicacion cu e trend aki lo por bay aumenta, y mas barco lo cuminsa uza waf di Caribe pa nan viahenan crusero.

Europa: Con debil vuelonan for di Europa ta pa Merca, por mira for di statistica

cu ta indica cu reservacion di pasashi a cay cu 14.2%. E data aki ta muestra di ta alarmante pa Aerolineanan cu a agrega extra capacidad pa lunanan di Juli y Augustus venidero, relaciona cu FIFA Copa Mundial 2026. Casi no ta mira nada extra di reservacion, y hendenan ta pensando si acaso ta poco fanatico di Europa ta viahando pa Merca pa apoyanan seleccion nacional den futbol. Nan ta spera cu na ultimo minuut lo tin hende cumprando pasashi.

E analisis aki a bin como un sorpresa grandi, pasobra semper Copa Mundial di Futbol ta e evento mas popular riba e planeta. Semper Europeonan ta acudi na gran escala pa e weganan, mirando cu 16 di e 48 ekiponan participando den e Copa ta procedente di Europa.

Reservacion di pasashi pa Juli 2026 for di Amsterdam, a cay cu 23%. For di Frankfurt a cay cu 36%. For di Barcelona a cay cu 26%. For di Munich a cay cu 19%. For di Atenas a cay cu 19%. For di Madrid a cay cu 15%. For di Dublin a cay cu 15%. For di Milan a cay cu 8%. For di Roma a cay cu 5%. Europeonan tambe ta teme cu e hecho cu nan tin di duna tur nan informacion personal di social media, y wordo interroga pisa door di CBP of keda deteni riba caya door di ICE... ta e factor mas importante cu nan ta prefera di keda nan pais y wak e Copa Mundial via TV.

Presidente di Parlamento di St. Maarten, señora Sarah Westcott-Williams:

Door cu no tin un parlamento di Reino, IPKO ta un plataforma esencial pa discuti asuntonan di interes comun

ORANJESTAD (AAN): Señora Sarah Westcott-Williams, Presidente di Parlamento di Sint Maarten, ta na Aruba hunto cu e delegacion di Parlamento di St. Maarten pa participa den e Interparlementair Koninkrijksoverleg (IPKO).

E representantenan di e cuatro paisnan den Reino Hulandes, Sint Maarten, Corsou, Aruba y Hulanda, a bin hunto e siman aki, y desde awe e reunionnan a cuminsa y lo termina diasabra 21 di februari.

Den un entrevista recien na Aruba, el a remarca cu e delegacion lo tin varios dia di trabou intenso. E sesionnan di IPKO lo cuminsa prome, sigui



pa e reunion tripartiet entre Aruba, Corsou y Sint Maarten.

Durante e consultanan aki lo pone riba mesa diferente asunto importante cu ta toca tur pais den Reino.

Un prioridad importante pa Sint Maarten, el a agrega, ta pa sigui fortalece e relacion entre e cuatro paisnan,

specialmente entre e Parlamentonan di Caribe y Parlamento Hulandes. “Aunke tin un Consejo di Minister di Reino, no tin un parlamento di Reino. P’esey, IPKO ta un plataforma esencial pa discuti asuntonan cu ta di interes comun”, el a expresa.

Temnan princi-

pal ta inclui desaroyo geopolitico cu ta impacta region di Caribe, reto socio-economico manera vergrijzing, y e discusionnan continuo tocante e sistema di solucion di disputa

(Schillenregeling).

El a infatisa: “E reunionnan tin como meta pa intercambia miho prakticanan y sigui construi un Reino mas solido y colaborativo”.

Special

Poeta di Patria

Skirbi pa:

Ruthy ‘Lady Ruth’ Vrieswijk-Bergen

Nos ta den e grupo cu fielmente a participa na Poeta di Patria, den Cas di Cultura, Scol di Arte y Fort Zoutman. A comprende cu lo tene e aña ki den Aruba Carnival & Entertainment Village... Anto den un tent cu airco?

No pa discrimina, pero tanto lugar bunita cu tin?

Jammer cu Lady Ruth no lo por participa pa motibo di lugar cera sin bentana pa via di su sinus y su fobia pa no por wak pafor.

Nos no sa con grandi of chikito e tent lo ta, ta sinti nos limita y pusha den un lugar cu no ta apto pa un actividad asina bunita. Nos no ta interesa den gana, pero ta cuida nos salud y a cumpli tur biaha cu mi participacion.

Algo ta bisami cu e aire cu lo circula den e tent no lo hacimi bon. Tanto lugar bunita cu tin na Aruba, pakico den un tent? Net e aña aki mi poema no ta tocante indjan.

Algo positivo ta cu nan a cambia y of adapta e reglanan cu por gana 3 biaha y despues bin como guest star?

Nan a scucha e bos den pueblo cu a reclama cu ta e mesun empleado di DCA ta gana tur biaha. E ta un bon Poeta, pero nada di mas no ta bon. Enves cu e actividad di Poeta Patria upgrade e ta downgrade.

Ora a lesa e mail cu ta den San Nicolas a pensa riba Teresita Center y no scondi bao di un tent. Carnaval a pasa caba den San Nicolas. Un pregunta? Pakico tin edificionan bunita manera MFA, no por wordo usa? Capricho di ken pa bay bao di tent?

Enfin, te aki opinion di Poeta Lady Ruth, cu varios Poeta pensando.



Casonan Penal pa wordo trata den Corte di Husticia na Aruba

Casonan di Diahuebs 19 Februari 2026



Horario	Sospechoso	Acto Castigable
8:30 am	A.A.A.R.	Sospechoso A.R. ta wordo acusa di comete abuso sexual riba un persona bao 16 aña na luna di October 2024.
9:30 am	J.P.C.O.	Sospechoso C.O. ta wordo acusa di abuso sexual di un persona bao 16 aña di edad den luna di September 2023
10:15 am	A.C.S.R.	Sospechoso S.R. ta wordo acusa di a maltrata un persona riba 17 di Juni 2025.
10:50 am	B.L.S.	Sospechoso S. ta wordo acusa di kiebri cu ladroncia riba 18 di Januari 2025, di comete maltrato riba 29 di Januari 2025 y destruccion riba 6 di Juni 2025.
1:30 pm	A.F.G.Z. I.I.I.L.	Sospechosonan G.Z. y L. ta wordo acusa di ladroncia riba 27 di Januari 2025.
2:25 pm	G.A.R. L.J.A.d.V. M.B.d.T.M.	Sospechosonan R., D.V., y d.T.M. ta wordo acusa di maltrato cometi riba 25 di Februari 2025.
3:30 pm	S.F.M.	Sospechoso F.M. ta wordo acusa di maltrato, menaza y destruccion riba 30 di September 2024.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diahuebs 19 Februari

2026 den Sala di Corte di Husticia na Aruba. E informacion aki a wordo suministra door di Ministerio Publico.

Ruthy ‘Lady Ruth’,
Februari 2026.

Durante encuentro cu Gabinete AVP-Futuro

Parlamentarionan Hulandes a destaca e avance y progreso di nos isla Aruba



ORANJESTAD (AAN): Durante encuentro diaranson atardi, tres parlamentario di Hulanda a comparti un impresion cla y positivo riba e direccion cu Aruba ta sigui. E palabra cu a ripiti durante e combersacionnan tabata: Vooruitgang — Progreso. Theo Rietkerk, miembro di e Eerste Kamer pa e CDA desde 2019, tin un amplia experiencia como ex-miembro di Tweede Kamer, ex-diputado provincial y actualmente presidente di un gran grupo educativo na Hulanda. Cu un trasfondo den Asuntonan Economico, el a enfatisa e importancia di crecimiento cu responsabilidad.

Rietkerk a destaca cu Aruba ta logra combina desaroyo economico, particularmente turismo, cu preservacion di naturalesa y fortalecimiento di comunidad.

“Turismo y desaroyo economico ta importante. Pero ta bon cu naturalesa ta conserva y comunidad ta fortalece.”

Segun Rietkerk, e enfoke ekilibra di gobierno ta muestra progreso sostenibel, basa riba cooperacion entre Aruba y Hulanda.

Don Ceder: diversificacion como señal di progreso. Don Ceder, miembro di e Tweede Kamer pa ChristenUnie desde 2021, abogado di profesion y enfoca riba tema social, hubentud, educacion y integracion, a reconoce paso positivo den diversificacion economico.

El a indica cu Aruba no ta solamente depende di turismo, pero ta explora otro

oportunidadnan economico, algo cu el ta mira como un paso concreto di vooruitgang. “Mi ta tende cu tin progreso den diversificacion y den mantene turismo den balance.” Ceder a subraya cu cooperacion entre Hulanda y Aruba, basa riba respet mutuo, ta esencial pa consolida e progreso aki.

Paul Rosenmöller, miembro di e Eerste Kamer y ex-lider politico cu un larga trayectoria den movimiento sindical y politica nacional, a expresa cu e tabata agradablemente sorprende pa e ‘openheid’ di gabinete di Aruba riba tanto desafio como logro.

“Nos ta bay for di aki como parlamentario contento. Nos ta mira vooruitgang.” Rosenmöller a enfatisa cu progreso ta visible ora partnernan di Reino ta inverti den otro y busca cooperacion real. El a menciona cu estabilidad y seguridad regional ta fundamental pa sigui construi un futuro sostenibel.

Progreso como mensahe central: E tono general di e encuentro tabata positivo. Tur tres parlamentario a reconoce cu Aruba ta move dilanti, no solamente den crecimiento economico, pero tambe den colaboracion, ekilibrio y vision pa futuro.

Pa Prome Minister y Aruba, e reconocimiento di parlamentario di e Eerste y Tweede Kamer ta un señal claro cu e caminda di desaroyo y cooperacion ta mira y aprecia for di Reino.



HEPA DMS Society feliz cu nan participacion den carnaval 72



ORANJESTAD (AAN): Prome cu e dianan pasa y awor cu curpanan a medio recupera un poco di weekend, di curazon y cu sentimento di gratitud enorme HEPA DMC SOCIETY kier a bisa cada un di boso cu a haci boso maximo esfuerzo danki ! Danki pa a confia den un baby cu a nace cu nomber berdad (HEPA DMC SOCIETY) pero sin personalidad. No tabata facil. Grupo nobo, banda nobo, crew (mayoria) nobo, sponsornan nobo, seccionan nobo y miembran (participantenan) nobo. E grupo a mostra cu si por ora tin gana y perseverancia. Grupo na nivel pa competi (completo). Sali y pone un stempel. Banda D-NOVA, simple-

mente "Fantastico" (a lucha, a reclama pero na final a LOGRA!), na Iki danki, y na full e banda completo pabien ! Na tur participante cu a confia den e grupo nobo aki, danki pa join y nan ta invita tur esnan cu a mostra interes pa join otro aña. Last but surely not least nos Reinna (y claro nan mayornan y team), Prins y Pancho, Dj Sky y Rwiin, danki pa representa HEPA y trece ambiente den HEPA. Pabien tambe na e dancers cu a bay cu e premio di Road Show. Pabien grandi na TOB cu e titulo di grupo di aña, como tambe na Champagne, Los Laga Bai, Empire, Colours, Royal y Dushi. We all together make Carnival !



Continuacion pag 13

Continuacion pagina.12



CMB Bank a haci furor durante e weekend di Carnaval



ORANJESTAD (AAN): Durante ultimo weekend di Parada di Carnaval, comunidad di Aruba por a mira e team alegre, informativo, y sigur yen animo di CMB Bank riba caya.

Tanto na San Nicolas como na Oranjestad, por a mira nan cu nan shirt oranje ta pasa acerca comunidad para a lo largo di e ruta.

Di e forma ey, CMB Bank a termina Carnaval 72 partiendo articulonan den ambiente agradable! Esnan di organizacion SMAC cu a mira nan pasa, a keda impresiona cu e total dedicacion cada uno tabatin.

Publico a ser pidi pa muestra nan carchi y lealtad na CMB. A haya sombre, y diferente articulo mas como regalo. Y a enfatiza riba e carchi yama 'The Florin Card' cu ta dunabo placa bek.

Djis e presencia di e grupo a trece sonrisa riba tur hende para of sinta na banda, y tambe cerca participantenan den Parada. Pesey CMB Bank ta gradici tur esnan cu a yuda haci e accion aki posibel, y danki na SMAC y tambe na Carnavalistanan cu a haci Carnaval 72 uno grandi.

Esnan cu kier mas informacion di The Florin Card, por bay riba website di cmbnv.com y uza Live Chat, of pasa na un sucursal di nan.



Directiva actual di SMAC a cumpli cu nan 4 aña di trabao



ORANJESTAD (AAN): Desde aña 2022, e directiva aki di Organizacion SMAC a traha cu hopi amor pa brinda Aruba varios temporada di Carnaval yena cu ambiente, innovacion, crecimiento y creatividad den tur aspecto.

Aki algun luna tin di eligi un president y directiva nobo pa guia e organizacion cu ta organiza Carnaval na Aruba. Pesey e directiva existente ta manda palabra di danki na tur Carnavalista, mirones, y na Aruba pa tur cos. Esey di parti di Cherryldine, Edelysse, Sharissa, Kiala, Darren, Clarissa, Rusette, Inky, Bobby, John, Haydy y Zuleyka.

DANKI ARUBA



RESULTADO DI SORTEONAN PA CORTESIA DI CADENA ALEXANDER

— Diaranson 18 Februari 2026 —

DIARIO	KORSOU	LUCKY 3	CAT4CHI	ZODIAC
Anochi 4798 2924 3610	Anochi 8938 4881 8653	Merdia 722 FP	Merdia 6985 4931 6530 X2 Anochi 2203 3123 7145 FP	Merdia 6244 Geminis Anochi 9295 Piscis SUPER 4 Anochi 5776
BIG 4 Merdia FP 8423 Anochi X2 0597	OFF Merdia 3534 Anochi 4344	LOTTO DI DIA 07 - 10 - 11 - 24 - 28 Siguijete jackpot: 51.000 Florin		



RESULTADO

— Resultado di Diaranson 18 Februari 2026 —

09 10 15 25 28

Free Letter: **M**

Joker

34

1er Premio: Tin 0 ganador
2do Premio: Tin 0 ganador di Match 4+
3er Premio: Tin 7 ganador di Match 4
4to Premio: Tin 180 ganador di 12 Florin

Siguijete sorteo: 21 Februari 2026
Premio di jackpot: **Afl. 190.000,--**

EMERGENCIA NA ARUBA

Diahuebs 19 Februari 2026

DOCTER NA WARDA

SAN NICOLAS:

Pa San Nicolas, Docter lo ta na H.A.P. ImSan.
Docter tey for di 6'or di anochi te 10'or di anochi.

ORANJESTAD:

Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARDA

PARIBA DI BRUG:

Botica Sero Preto NV
Weg Sero Preto 25
Telefon 584-4833
Fax: 584-2500

PABAO DI BRUG:

Botica Del Pueblo NV
Caya Betico Croes 48
Telefon 582-1253

BUSCA PALABRA

I A C S D A H O U O H I
R C R U Z R N A E S N I
E R O C I H C U H I B O
I U U E B I N I Y S N T
C L S R B A N E O A O N
U A B S T I N E N C I A
A U A I S N S Y B R S S
R T S H I O S A H I R N
E I I O Y I N B S F E A
S R H R A C R O N I V M
M I T R S A B N N C N I
A P N V A R O E O I O S
O S S T I O R R U O C N
C R I N O I C O B E D V

Cuaresma	Sacrificio	Oracion	Yuna
Abstinencia	Shinishi	Debocion	Cruz
Conversion	Siman Santo	Renoba	Spiritual

Cacho riba dak pa mira Parada



WILLEMSTAD: Esaki a pasa na Corsou durante Parada Grandi (yama 'Marcha') di Carnaval na e isla.

Diripiente un persona a mira, cu tin un cacho cu a subi te riba dak di un edificio di dos piso.

Eyriba e tabatin bista estilo VIP pa mir'e Parada pasa.



Hari Un Tiki

Un hobencita a yega cas contento y a bisa su mama: "Mami mi tin un bon y un mal noticia".
Mama a biseL
"Prome bisami e bon mi yiu".
Contesta bon tabata: "Mamie mi a haci un test".
Mama a bisa: "Hopi bon mi yiu mi ta contento pa bo", y kico ta e malo?"
E hobencita a bisa: "Cu e test ta di embarazo."

Solucion Anterior

9	2	4	1	3	8	7	5	6
7	3	8	5	6	4	1	2	9
6	5	1	9	7	2	4	3	8
3	9	6	8	4	7	5	1	2
4	1	2	3	5	6	9	8	7
5	8	7	2	1	9	3	6	4
2	6	3	4	9	1	8	7	5
8	4	5	7	2	3	6	9	1
1	7	9	6	8	5	2	4	3

Difficulty: ★★

7/18

> SUDOKU <

King Classic Sudoku

5		2					6	9
					7	4		
		6				2		
	5	4		6		8	2	
	6							
2			4		9	5		
	7		3				1	
6	3		5					
			1	7			4	

Difficulty: ★★★

7/19



**Bahada
y salida
di solo
na Aruba**

—19 Februari 2026
Solo ta baha: 6:47 p.m.
—20 Februari 2026
Solo ta sali: 7:00 a.m.



Tel: 583-1190
Anonimo y Confidencial



**Lista di
Crusero
di bishita
na Aruba**

—Diahuebs 19 Feb. 2026:
AIDAbu:
(08:00 - 18:00)
MSC Divina:
(08:00 - 18:00)
—Diabierna 20 Feb. 2026:
Norwegian Star:
(11:00 - 20:00)
—Domingo 22 Feb. 2026:
Island Princess:
(08:00 - 17:00)
Explora I:
(08:00 - 18:00)



Fechanan 2026 di pago Pensioen AOV-AWW

Dia y fecha di pago pa cliente

2026 - Luna di pago	Dia y fecha di pago
Januari 2026	30 December 2026
Februari 2026	30 Januari 2026
Maart 2026	27 Februari 2026
April 2026	1 April 2026
Mei 2026	30 April 2026
Juni 2026	1 Juni 2026
Juli 2026	1 Juli 2026
Augustus 2026	31 Juli 2026
September 2026	1 September 2026
October 2026	1 October 2026
November 2026	30 October 2026
December 2026 (incl. bonus)	1 December 2026
Januari 2027	30 December 2026

Fundacion Contra Violencia Relacional:

Verdrag van Istanbul ta existi 1 shelter room pa cada 10.000 habitante



ORANJESTAD (AAN): Fundacion Contra Violencia Relacional (FCVR), como e organisacion central na Aruba pa implementacion di e Verdrag van Istanbul, ta pone enfasis riba un standard internacional importante. Segun e tratado, un pais mester tin minimo 1 camber di refugio pa cada 10.000 habitante. Esaki pa garantiza proteccion adecuado na victima di violencia relacional. Pa Aruba, cu tin mas di

100.000 habitante, esaki ta implica cu mester tin por lo menos 10 shelter rooms operacional pa cumpli cu e recomendacion internacional. Actualmente, nan tin 19 camber disponibel pa brinda refugio sigur y temporal na muhernan y nan yiunan cu ta sobrevivi violencia relacional. Sinembargo, su subsidio actual ta cubri 5 camber. Loke ta significa cu solamente 5 camber ta oficialmente den uzo bou di financiamiento

structural.

E situacion aki ta muestra un diferencia entre e capacidad fisico existente y e recurso financiero disponibel. E recurso financiero disponibel pa activa tur espacio ta critico pa proteccion di victima. FCVR ta un Behandel- en Expertise Centrum riba violencia relacional y violencia di genero. Den su Servicio Residencial, FCVR ta ofrece un ambiente sigur, confidencial y di apoyo unda residente ta ricibi:

- Vivienda temporal protegi
- Case management integral
- Safety planning y evaluacion di riesgo
- Necesidadnan basico manera cuminda, paña y articulonan personal
- Acompañamento

continuo y acceso na recurso legal, social y psicologico pa yuda nan reconstrui nan bida.

E Istanbul Convention no ta solamente un documento formal. E ta un compromiso internacional pa garantiza cu paisnan tin infraestructura suficiente pa proteha y sostene victima di violencia relacional.

Como e entidad central designa pa Aruba den e implementacion di e tratado, FCVR ta sigui traha activamente pa fortalece e sistema di proteccion. Y promove consciencia

cu violencia relacional no ta un asunto priva. Sino un reto social cu mester un respuesta structural, sostenibel y coordina.

Inverti den refugio y proteccion no ta simplemente cumpli cu un standard internacional. E ta representa un compromiso concreto cu seguridad, dignidad y futuro di persona cu ta enfrenta violencia na Aruba.

Pa mas informacion of pa busca apoyo, persona por contacta FCVR via WhatsApp Crisis Line na +297 567-1670.

Fundacion Dominicana Arubanse Juan Pablo Duarte cu curso di Papiamento y Ingles



ORANJESTAD (AAN): Bon noticia di Fundacion Dominicana Arubanse Juan Pablo Duarte, esta cu nan lo ta ofreciendo curso di Papiamento, y tambe curso di Ingles.

Ya caba Diaranson anochi nan tabatin inscripcion, y esaki tabata na e sede di e Fundacion mes. Pero awe

Diahuebs nan lo tin otro anochi di inscripcion.

No perde e chens di sigui e cursonan aki, pa asina bo tin mihor conocimiento di otro idioma, y corda cu cuponan ta hopi limita.

Adres di e Fundacion ta na Nieuwstraat 34-D, y e ultimo anochi di inscripcion lo ta Di-

ahuebs 19 di Februari 2026 for di 7:00 pm te cu 9:00 pm.

Pa bo siña Papiamento, ta hopi importante. Mas cu claro, Ingles tambe ta hopi importante como cu e ta sigui habri portanan pa bo.

Esnan cu kier mas informacion por yama tambe na 592-1679 of 562-3039.

Columna E

Sembrado



Diahuebs 19 februari. Di dos dia di Cuaresma aña 2026 Ciclo A

Calendario Liturgico

Lectura: Deuteronomio 30, 15-20;

Salmo: 1;

Evangelio: Lucas 9, 22-25;

”Si un hende kier sigui Mi, e mester lubida su mes, hisa su cruz tur dia y sigui Mi.” (Lucas 9, 23)

Pa carga e cruz tur dia pues sigui Hesus ”Nenga bo mes.”(No busca egoismo) Asumi e cruz no manera algo malo, sino como un compromiso, esfuerzo y acto di amor tur dia.

Hesus ta anuncia su pasion, morto y resurreccion marcando cu e caminda di e Yiu di Hende ta implica sufrimento redentor prome cu e gloria. Hesus ta siña nos cu mara bo mes cu egoismo na bida propio ta trece cu ne perde esaki, mientras cu bo entrega bo bida p’E y e Evangelio ta resulta den haya e bida eterno berdadero. Ta ser cuestiona e balor di gana mundo completo, si e ta perde of ruina e propio alma, poniendo e focus den lo esencial. E enseñansa ta accentua cu e bida cristian autentico ta implica biba cu e ”cruz “ no cu tristesa sino cu e alegria di e speranza pascual.

Oracion: Oh Señor, con bendiciona un hende cu ta nenga e consejo di esun malvado y no ta di acuerdo cu e caminda cu pecadornan ta tuma, ni un luga pa sinta den compania di hipocritanan, pero esun cu ta encanta den ley di Señor y ta cana su caminda di dia y anochi pa medio di Cristo nos Señor. Amen.

Grupo Centro Pastoral Aruba

DEPORTE INTERNACIONAL

Kyrie no ta bay ta bek cu Mavericks e temporada aki



DALLAS: Guard di Dallas Mavericks Kyrie Irving no ta bay regresa riba cancha e temporada aki, despues cu el a scheur su ACL den luna di Maart di 2025.

Esaki e ekipo a confirma Diaranson.

Mavericks lo permiti sigui recuperacion di cirugia cu e meta pa e tey bek pa temporada di 2026-2027.

“E decision aki no tabata facil, pero e ta esun corecto”, Irving a bisa den un comunicado.

“Mi ta agradecido pa e sosten cu mi a y ta ricibi di e organizacion di Mavericks, mi compañeronan di ekipo y nos fanaticonan”, segun

Irving kende a enfatisa cu e no por warda pa bin bek mas fuerte proximo temporada.

Dallas mas trempan tabata optimista cu e hungador di 33 aña lo ta bek rond di luna di Januari, alrededor di 10 luna despues cu el a haci un operacion na su rudia robes.

Mavericks awor tin un record di 19-35 y no tin mucho chens pa yega playoffs.

Irving den 50 wega temporada pasa prome cu el a wordo lesiona, tabata tin un average pa wega di 24.7 punto, 4.8 rebounds, 4.6 asistencia y 1.3 steals.

Klaebo di Noruega ta uni su mes na Phelps como e unico atletanan cu por lo menos 10 medaya di oro Olimpico



ITALIA: Johannes Hoesflot Klaebo Diaranson a gana e careda di cross-country team sprint na weganan Olimpico di Milan Cortina, pa logra e di 10 medaya di oro Olimpico den su carera.

Logrando esaki e ta bira e di dos atleta den historia pa logra gana por lo menos 10 medaya di oro na Weganan Olimpico.

E unico otro pa logra esaki pa e landador Mericano Michael

Phelps, kende den su carera a gana nada menos cu 23 medaya di oro Olimpico.

E ekipo di Noruega di Klaebo y Einar Hedegart a crusa e linea final 1.4 seconde prome cu e duo Mericano di Ben Ogden y Gus Schumacher, kendenan a gana e medaya di plata.

Elia Barp y Federico Pellegrino di Italia a gana e medaya di brons.

Padres a firma contrato di Liga Menor cu Buehler



PEORIA: Walker Buehler a firma un contrato cu San Diego Padres, despues cu el a pasa e prome 8 temporadanan di su carera den Major League como pitcher cu e rival mas grandi di Padres, esta Los Angeles Dodgers.

E pitcher drechi a firma un contrato di Liga Menor cu un invitacion pa Spring Training.

Buehler a conta prensa cu ta sinti un tiki straño pa bisti e uniform di color oro y bruin, pero el a indica cu e ta cla pa contribui cualkier forma cu ta.

E pitcher di 31 aña temporada pasa tabata cu Boston Red Sox y

Philadelphia Phillies, cu a firme laat den luna di Augustus despues cu Boston a lage bay.

Buehler no tabata mucho bon cu Red Sox, pero cu Phillies e tabata mustra bon suficiente cu Padres a interesa nan mes den dje.

Buehler dos biaha tabata un All-Star y dos biaha a gana renchi di World Series durante su tempo cu Dodgers.

Den su carera e tabata hopi bon contra Padres.

Buehler contra su team nobo tin un record di 7-1 y un ERA di 1.67, cu 83 ponche den 13 wega cu el a cuminsa.

Pa su carera Buehler tin un record di 57-29 y un ERA di 3.52.

Tres biaha den su carera el a poncha mas cu 150 bateador den un temporada.

Newcastle United a gana Qarabag 6-1 y ta cu mas cu un pia den siguiente rond di Champions League

*Gordon a anota 4 gol



AZERBAIJAN: Hungando nan wega den e fase di eliminacion di Champions League pafo di cas contra Qarabag FK, Newcastle United no tabata tin mucho problema.

E ekipo di Premier League di Inglaterra a domina mayor parti di e wega contra e club di Azerbaijan y na final a gana e wega cu un score di 6-1.

Esaki ta nifica cu ta practicamente sigur cu despues di e di dos wega Newcastle lo pasa pa e proximo rond di Champions League.

E prome gol di e ekipo Ingles a wordo anota pa Anthony Gordon

den di 3 minuut caba y apenas 5 minuut despues Malick Thiaw a anota e 2-0.

Gordon a anota un penalty den di 32 minuut pa pone e score na 3-0 y ora cu 1 minuut despues e mes a anota e 4-0, Qarabag no tabata tin mucho speranza mas pa logra un bon resultado.

Den di 45 minuut Gordon a anota otro penalty pa pone e score na 5-0 y den di 54 minuut Elvin Jafarguliyev a anota e gol di consuelo pa e ekipo di Azerbaijan.

E di 6 gol di Newcastle a wordo anota pa Jacob Murphy den di 72 minuut.



Noticianan for di Hulanda

Habitante di Arnhem a haya castigo di prison di 18 aña pa asesinato di su ex pareha



ARNHEM: Un homber di Arnhem di 31 aña a ricibi un castigo di prison di 18 aña, despues cu el a wordo haya culpable di asesinato di su ex pareha.

Corte di Arnhem a haya suficiente- mente comproba cu fin di luna di April di 2025 intencionalmente a strangula e muhe.

Despues cu el a mata su pareha el a purba di kita su propio bida.

Desde tempo cu nan tabata na scol

secundario nan tabata tin un rela- cion cu otro.

Aña pasa despues di 17 aña a rela- cion a termina, pero nan a keda bida den e mesun cas cu nan tabata purba di bende.

Despues cu e homber a mata e muher e mes a yama polis y a ad- miti cu el a mata su pareha.

El a indica tambe cu el a purba di comete suicidio despues di com- ete e crimen.

Municipio a cuminsa basha edificionan abao despues di explosion den Visscherssteeg na Utrecht



UTRECHT: Municipio di Utrecht Diahuebs 19 di Februari a cum- insa basha tres edificio abao cu a ricibi asina tanto daño cu nan no por wordo restaura.

E edificionan den Visscherssteeg a wordo afecta pa un explosion cu a tuma lugar riba 15 di Januari di e aña aki.

Ta wordo verwacht cu e trabaonan ta bay dura alrededor di 4 siman.

Mientrastanto tur habitante afecta lo keda den un otro lugar di biba, mientras cu e empresarionan a cuminsa nan actividadnan bek.

Habitantenan y propietario nan di e edificionan destrui a haci un pe- ticion pa bao di guia di brandweer, inspectornan di construccion y Slachtofferhulp Nederland drenta Visscherssteeg pa wak e daño cu nan propio wowonan.

Cantidad di caso di griep a aumenta mas ainda



HULANDA: Den e siman cu a pasa mas hende cu kehonan di griep a bishita nan dokter di cas y door di esaki e epidemia cu di griep cu a cuminsa siman pasa na Hulanda ta sigui.

Den e siman cu a pasa 68 di cada 100.000 habitante di Hulanda a bishita dokter di cas cu kehonan di griep, segun calculacionnan di Rijksinstituut voor Volksgezond- heid en Milieu (RIVM) y instituto di investigacion Nivel.

Mayoria hende cu griep no ta bay dokter, pero tin un cantidad di hen- de vulnerable cu si ta haci esaki.

E hecho cu ta papia di un epidemia no tin consecuencianan pa sector di cuido.

E epidemia na Hulanda a cuminsa un tiki mas laat cu aña pasa.

Na e punto mas halto di e epidemia mas cu 100 di cada 100.000 habi- tante di Hulanda a bishita dokter cu kehonan di griep.

Hobennan ta pone cu tin un record di benta di brommer: coremento di brommer birando mas popular tambe cerca hende muher



HULANDA: Benta di brom- mernan uza aña pasa a yega un record, danki sigur na e hecho cu coremento di brommer a bira hopi popular cerca hobennan.

Esey a pone cu den ultimo añanan tin mas brommer light ta wordo bendi, pasobra e tipo di brommer ey so e hobennan ta wordo permiti di core.

Den e aña cu a pasa, personanan entre 18 y 25 aña tabata responsa-

bel pa 15.6% di e benta di brom- mernan uza.

Na 2020 ainda e cantidad tabata 12.2%.

Na mes momento e cantidad di brommer cumpra pa personanan entre 46 y 55 aña a baha di 21% pa 15.5%.

A wordo señala tambe cu e canti- dad di hende muher cu a dicidi di cumpra un brommer nobo a subi di 7.5% na 2020 pa 9.7% awor.

Noticia Internacional

Maduro a ricibi un bishita consular mientras e tabata warda su siguiente audiencia dia 26 di maart

NEW YORK: E presidente destitui di Venezuela, Nicolás Maduro, y su casa, Cilia Flores, a ricibi un bishita consular di un funcionario Venezolano dia 30 di januari mientras nan tabata warda riba nan proximo audiencia hudicial den un prizon di New York, cual a wordo pospo-

ni pa dia 26 di maart. Segun un notificacion di Ministerio Publico y e defensa na Huez, cu tabata disponibel diaranson awor den e file digital di e caso, Maduro y Flores a ricibi e dia ey “un funcionario cu a representa Republica di Venezuela pa yuda facilita cualkier servicio

cu e acusadonan tabatin mester.”

E Oficina di Abogado di Merca pa e Distrito Sur di New York a argumenta pa pospone e audiencia pasobra e tabatin mester di mas tempo pa recoge evidencia, permiti e defensa pa revisa esaki, y pa e defensa dicidi ki mocionnan pa presenta prome cu e huicio, cu e hues a bay di acuerdo “den interes di husticia,” e documento ta indica.

Maduro a declara su mes “un homber inocente” di e acusacionnan di trafico di droga cu e Gobierno di



Donald Trump a uza pa hustifica su captura y transferencia pa Merca dia 3 di januari, y a bisa cu e tabata un “preso di guerra”.

Bolivia a formalisa acuerdonan cu DEA y a intercambia informacion tocante traficacion di droga den e pais



Agencia di Enforsamento di Droga di Merca (DEA) ya caba ta colaborando cu gobierno Boliviano den intercambio di informacion pa combati traficacion di droga, mientras cu e ehecutivo Latino Americano ta finalisando e detayenan di un acuerdo pa regreso formal di e agencia na e pais despues di un ausencia di 18 aña.

Segun Ernesto Justiniano, Vice Minister di Defensa Social y Substancianan Controla, papiando cu The Associated Press, Bolivia actualmente ta hayando apoyo di e agencia Mericano den entrenamiento y asistencia tecnico, aunke e cuadro operacional y ken lo ta responsabel den e pais den futuro cercano ainda no a wordo defini.

E funcionario a destaca cu e decision politico tocante e regreso di e agencia ya a wordo tuma y cu e ministe-

rio Boliviano di Relacionnan Exterior ta encarga pa finalisa e acuerdo.

Justiniano a descarta e instalacion di basenan militar stranhero den e pais, pero a sostene nan lo realisa operacionnan conhunto. “No lo tin ningun base, pero si nos por conduci operacionnan mañan cu Mericanonan, Brasile-ronan, Paraguayonan of Argentinonan, ta bonbini,” el a conclui.

E yegada na poder di actual Presidente Rodrigo Paz a nifica un cambio drastico den e politica exterior di Bolivia, cu pa casi dos decada bao di e Movimiento pa Socialismo (MAS) a distancia su mes di Merca y a uni na e Alianza Bolivariana pa e Pueblonan di Nos America (ALBA) hunto cu e dictaduranan di Cuba, Nicaragua y Venezuela.

New York ta uni na e red di WHO despues cu Trump a retira Merca di e organisacion

NEW YORK: E estado di New York a anuncia diamars cu nan ta uni na e red di Organizacion Mundial di Salud (WHO) despues cu presidente di Merca Donald Trump a retira e pais for di e agencia di Nacionnan Uni atrobe na su regreso na Cas Blanco.

E Departamento di Salud di Estado di New York a uni na Red Global di Aler- ta y Respuesta pa Brote (GOARN) di WHO cu e meta di fortalece e rol di e estado den preparacion y respuesta di salud publico mundial.

“New York semper tabata un lider den salubridad y seguridad publico, y awor nos ta haciendo nos parti pa proteha bida mientras cu e gobierno federal ta pone salud di Mericanonan na peliger,” gobernador Kathy Hochul a bisa den un declaracion.

El a bisa cu for di awor padilanti, nan lo compartur nan experiencia y laboratorionan cu e red pa “responde na brotenan rond mundo, mientras ta yuda preveni menasanan pa salud mundial.”



E decision aki di e gobernador Democratico a tuma lugar algun siman despues cu e gobierno di Donald Trump a haci su retiro for di e organisacion oficial y a sigura cu e lo no paga e debenan pendiente. Riba e dia di su regreso na poder, Trump a firma e orden ehecutivo cu a emiti un aviso formal pa retira for di e agencia di Nacionnan Uni cu ta specialisa den salud.

Durante e pandemia di COVID-19, e mandatar- io a acusa WHO di mal maneho. Tambe el a critica e rol di e organisacion den “otro crisisnan mundial di salud”.

Pa e estado di New York,

e decision aki “a compromete e seguridad di salud mundial di e pais.”

GOARN ta un red global di mas cu 300 institucion y rednan tecnico cu ta provee deteccion, verificacion y contesta rapido na brotenan di epidemia. E ta sostene paisnan cu experticio tecnico, capacidad di laboratorio, y coordinacion operacional pa mitiga menasanan di salud publico.

Na januari pasa, Gobernador di California Gavin Newsom a anuncia cu e Departamento di Salud Publico di e estado tabata uni e red di WHO, haciendo su estado e prome na Merca pa bira parti di GOARN.

Noticia Internacional

Manifestanten a blokea camindanan na Beirut contra impuestonan nobo cu ta subi prijs di combustibel



Manifestanten a blokea camindanan principal den y rond di Beirut diamars despues cu gabinete di Libano a aproba impuestonan nobo cu ta hisa e prijsnan di combustibel y otro mercancia pa financia aumento di salario di sector publico.

E Gabinete a aproba dialuna un impuesto di 300.000 liber Libanes (alrededor di 3,30 dollar) pa cada 20 liter (5,3 galon) di gasolin.

Diesel a wordo exonera di e impuesto nobo, ya cu mayoria di e habitantenan di Libano ta depende di dje pa duna energia na generadornan priva y compensa pa scarcedad severo di coriente estatal.

Tambe gobierno a bay di acuerdo pa aumenta e impuesto riba balor agrega riba tur producto cu ya ta sometí na e heffing di 11 pa 12%, algo cu ainda Par-

lamento mester aproba.

E aumento di impuesto tin como meta pa sostene aumento di salario y mehoracion di pensioen di sector publico, despues di e perdida di balor di salario cu e colapso monetario di 2019, otorgando nan e ekivalente di seis luna adicional di salario. Minister di Informacion Paul Morcos a indica cu e aumento di salario ta calcula pa costa alrededor di 800 milyon dollar.

Aunke e pais mediteraneo ta sinta riba un di e reservanan di oro mas grandi den Medio Oriente, e ta sufrí di inflacion constante y corrupcion generalisa. E pais, cu problemanan di likidez, tambe a sufrí alrededor di \$11 biyon na daño den e guerra di 2024 entre Israel y e grupo militante Hezbollah.

Gobierno di Venezuela tin planea pa otorga areanan nobo di produccion di petroleo na Chevron y Repsol

CARACAS: Venezuela tin planea pa otorga areanan nobo di produccion di petroleo na Chevron y Repsol di Spaña como parti di e empuhe di Merca pa companianan priva participa den e reconstruccion di e sector energetico di e pais, segun personanan conoci cu e asunto consulta pa Bloomberg.

Funcionarionan na Caracas ta preparando pa otorga bloki di exploracion y produccion ya caba e siman aki, segun e fuentenan ey. Acceso amplia pa companianan Mericano y Europeo na teritorionan rico den petroleo ta forma parti di e strategia di presidente Donald Trump pa rebiba e sector energetico di Venezuela cu ta enfermo y reduci e influencia di China y Rusia den e pais.

Riba diahuebs, Secretario di Energia di Merca, Chris Wright, a haci un recorrido di un proyecto opera pa Chevron den e Orinoco



Oil Belt y a bisa periodistanan cu tin un oportunidad amplio pa cooperacion entre Washington y nacion Suramericano despues di e captura di e ex-dictador Venezolano Nicolás Maduro.

Den un entrevista cu Bloomberg TV, Wright a indica cu Merca lo lansa licencia adicional "pronto," y a sostene cu companianan manera Chevron por beneficia di un aumento di produccion di te cu 30% den e siguiente 18 pa 24

luna.

"Chevron ta den un posicion pa amplia su negoshi aki grandemente. E ta e productor mas grandi na Venezuela awendia y lo por tanto aumenta su reservanan como amplia su operacionnan," Wright a bisa. "E ta djis un di hopi, pero e ta bay ta uno grandi," el a agrega.

E administracion di Trump tin planea pa emití un licencia general cu lo permiti companianan petrolero internacional explora y produci na Venezuela sin viola e sancionnan di Merca. E medida ey lo ta parti di un serie di autorisacion di Departamento di Tesoro dirigi na habri e sector petrolero di e pais desde e captura di Maduro dia 3 di januari.

Chevron y Repsol ya tin activonan significativo na Venezuela, cu tin algun di e reservanan di crudo mas grandi di mundo. Chevron ta keda e unico compania priva occidental cu ta sigui saca petroleo na Venezuela bou di un licencia special di Departamento di Tesoro. E compania cu sede na Houston ta representa mas o menos un cuarto di e produccion total di e pais.

Hoben acusa di terrorismo pa planea atake na concierto di Taylor Swift na Austria

Fiscalnan Austriaco a presenta acusacionnan di terrorismo dialuna contra un homber di 21 aña acusa di a planea un atake na un di e conciertoonan di e cantante Mericano Taylor Swift na Viena na augustus 2024, segun un comunicado di e oficina di fiscal cita pa Reuters.

Swift tabata programa pa presenta tres show na Viena entre diahuebs 8 di augustus y diasabra 10 di augustus Pero e conciertoonan a wordo cancela e dia prome, despues cu autoridadnan Austriaco a bisa cu dos sospechoso a wordo deteni en conexion cu

plannan pa un supuesto atake den e region di Viena. Fiscalnan di Austria tambe ta acusa e homber di a "obtene instruccionnan riba internet pa construi un bom di shrapnel basa riba e explosivo triperoxido di triacetona" y di e produci un cantidad chikito di explosivo, segun e comunicado.

Ministerio Publico a bisa tambe cu e acusado a haci "varios intento" pa cumpra armanan ilegalmente pafo di e pais y pa trece nan Austria.

Segun Reuters, e individuo, un ciudadano Austriaco cu raiz familiar na

Macedonia di Norte, a hura lealtad na e asina yama Estado Islamico y tabata planea un asalto mortal entre e 20.000 fanaticonan di Swift reuni pafo di e stadion Ernst Happel di Viena. E vocero di Ministerio Publico di Viena a confirma na The Associated Press cu e acusado ta den detencion. Medionan di comunicacion Austriaco a identifica e sospechoso como Beran A. y a señala cu e ta bou di aresto desde augustus 2024. E huicio ta tumando luga na Wiener Neustadt, un pueblo noord di Viena. Segun un informe publica pa CBS News, tres



sospechoso a wordo aresta y acusa relaciona cu e complot, incluyendo un adolescente cu a wordo condena na 2025 den un corte Aleman pa prepara un acto serio di violencia y sostene un acto terrorista di violencia den exterior. Corte di Berlin a impone un castigo condicional di 18 luna riba Mohammad A., un ciudadano Sirio.

Pa chica Pos - Habri tubería y wc. Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y haye atardi! Set di sala, tv chair, sienta auto.
Tel: 565-5577
Macapruimstraat # 1L

CONSTRUCCION REMODELACION
Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccion di cas y apto bon prijs. Free quotation.
Tel: 561-2137

NOS TA CUMPRO
Oro y plata kibra, holoshi antiguos y moderno di bon marca.
SILVER LEAF
Havenstraat 32
Tel: 746-0535 / 592-1776

Chapi, verf, tira sushi Ecotech, plumbing, construccion, jardineria, mantencion, handyman.
WHATSAPP: 561-1397

TA BENDE
Mitsubishi Montero aña '98 e ta core of pa pieza.
Patiast. # 74B Dakota.
Cel: 743-8308.

NOS TIN SERVICIO
Corta mata y palmanan grandi y chikito y peligroso. Hasi tur sorto forma di mata.
Cel: 592-1277

ASSOCIATED REALTORS
TA BENDE
Un cas di 3 kamber cu 13 apts. y 1 oficina na Madiki, contrui 679 m2, tereno propiedad 897 m2 y pa \$1.3mlj.
Yama Mito na 593-6318 pa mas info.

ASSOCIATED REALTORS
CAS PA BENDE?
Bo tin pensa di vende bo cas? Anto laga nos atende cu tur e tramitanan di benta via notario.
Yama Mito na 593-6318 pa un presentacion.

TA CUMPRO
Holoshi antiguo y moderno di bon marca.
Tel: 744-9995

DIARIO
Pa noticia, cumpleaños, comentario, redaccion:
noticia@diario.aw
Tel: 582-6747

WEB Aruba NV a entrega premio na ganadornan di Soca



gana 1.000 Florin. E finalista Ashrock Gario (Diamond Chip) a gana 750 Florin. Un representante di dje a ricibi e premio. Richard Quant (Mighty Tattoo) a gana 500 Florin.

WEB Aruba NV ta orguyo- so di a yuda cu premio na e actividad aki. E potretnan

aki pa cortesia di WEB Aruba NV.



Fortaleza di Famia

Diahuebs 19 Februari 2026

Tin poder, sin igual poder, den e sanger di Hesus

Skirbi pa: Pastor Marcel Balootje

No tin nada na mundo cu por kita nos pica y haci nos limpi si no ta e poder di e Sanger di Cristo Hesus kende a muri na crus pa nos, pa pordon di nos picanan, pasobra ta para skirbi:

Sabiendo cu boso no a wordo redimi cu cosnan cu ta perece, manera plata of oro, for di boso manera bano di biba cu boso a hereda di boso antepasadonan, Ma cu e sanger precioso, como di un lamchi sin defecto, y sin mancha, e sanger di Cristo. (1 Pedro 1:18-19).

Ma si nos cana den nos lus mescos E mes ta den lus, nos tin comunicon cu otro, y e sanger di Hesus, Su Yiu a limpia nos di tur pica. (1 Juan 1:7).

Segun ley tur cos ta wordo purifica cu sanger, y sin deramamento di sanger no tin pordon di pica. (Hebreonan 9:22). Y nos tin cu comprende cu esey a sosode un biaha so na crus riba Calvario.

Den dj'E nos tin redencion pa medio di Su sanger, e pordon di nos picanan, segun e rikesa di Su gracia. El a haci Esun Kende no tabata conoce pica, bira pica pa nos, pa nos por bira husticia di Dios den dj'E. (2 Corintionan 5:21).

Pesey awor no tin condenacion pa esnan cu ta den Cristo Hesus. E a condena pica den carni pe exigencia di ley por wordo cumpli den nos, kendenan no ta cana segun e carni, ma segun e Spirito. (Romanonan 8 :1-4).

Ma Dios a demostra Su mes amor pa nos cu nos den esaki cu tempo nos tabata pecado ainda, Cristo a muri pa nos. Mucho mas anto, siendo hustifica awor pa medio di Su sanger, nos lo ta salba for di e furia di Dios door di dj'E. (Romanonan 5:8-9).

E ora ey Hesus a bisa nan, Di berdad, di berdad Mi ta bisa boso, si boso no come e carni di e Yiu di Hende, y bebe su sanger, boso no tin bida den boso. Esun cu come Mi carni y bebe Mi sanger, tin bida eterno, y lo Mi lante den e ultimo dia. Pasobra Mi carni ta cuminda berdadero, y Mi sanger ta bebida berdadero. Esun cu come Mi carni y bebe Mi sanger ta permanece den Mi. (Juan 6:53-55).

Asina anto, como cu e yiunan ta comparti den carni y sanger, E mes tambe a tuma parti na e mes un manera, asina cu pa medio di morto, E por a destrui esun cu tabatin poder riba morto esta diabel. Y por a libra esnan cu pa miedo di morto, tabata someti na sclavitud henter nan bida. (Hebreonan 2:14-15).

Pasobra si e sprengimento di sanger di cabrito y toro, y di e shinishi di bishe muhe, riba esnan cu a wordo contamina, ta santifica, pa purificacion di e carni. Cuanto mas e sanger di Cristo, kende pa medio di e Spirito eterno, a ofrece Su mes sin defecto na Dios, pa purifica boso consenshi di obranan morto pa sirbi e Dios bibo. (Hebreonan 9:12-14).

Ma awor den Cristo Hesus, boso kendenan antes tabata leu, a wordo treci cerca, pa medio di e sanger di Cristo. (Efesonan 2:13).

Ta pa libertad Cristo a haci nos liber, pesey keda para firme y no sea someti atrobe na un yugo di sclavitud. (Galatianan 5:1).

Mi a wordo crucifica cu Cristo, y no ta ami ta biba mas, ma Cristo ta biba den mi, e bida cu mi ta biba awor, den carni, mi ta biba pa medio di fe den e Yiu di Dios. (Galatianan 2:20).



Mercado Reparacion y Servicio
Nos ta drecha
Wasmachine, Frigidaire, Cooler, Dryer, Stooft, Forno. Tur tipo di split-unit y window.
ALEX MERCADO! Any time
Cel: 567-0580

WASMACHINE
Ta drecha wasmachine, dryer, stooft, forno.
Ta drecha, service y instala airco. Tel: 742-2518.
Ta drecha na cas mes.

NOS TA DRECHA
Frigidaire, wasmachine, dryer, airco, cooler.
Tel: 566-4366

AIRCO REPAIR SERVICE
Cooler + freezer, wasmachine, dryer, icemaker, refrigerador, forno + stove, wk freezer, wk cooler.
Tel: 747-7987 / 749-4232 anytime

SEÑORA TA OFRECE
Pa drecha paña, cortina, traha furu pa stooft, sofa y ba haci tur tipo di trabao di cosemento.
Mi mes ta busca y hibe bek pa bo. Tel: 660-7571.


DIRECTV
A miho T.V. na Aruba Mundial Futbol na caminda, haya bo DIRECTV awo prome cu ta caba.
Yama cel: 733-5762

TA FURA STOEL

CEL: 561-2941

ORANJESTAD (AAN): E siman aki, durante un actividad special den The Casino at The St. Regis Aruba Resort, a tuma lugar entrega di premio di e evento grandi di Aruba Soca Monarch 2026 di Stichting Musica.

E compania WEB Aruba NV tambe a haci entrega di nan premio yama 'Gift Certificate di Awa'. E ganador Soilo Sanchez (Lord Lally) a



ORACION AL ESPIRITU SANTO
Espiritu Santo tu que me aclaras todo, que iluminas todas los caminos para que alcance mi ideal. Tu que me dal el don divino de perdonar y olvidar el mal que me hacen y que en todos los instantes de mi vida estas con mingo, yo quiero en este corto dialogo agradecerte por todos y confirmar que nunca quiero separarme de ti, por mayor que sea la ilucion material. Deseo estar contigo y todos mis seres queridos en la gloria perpetua. Gracias por tu misericordia para conmigo y los mios. Amen
Gracias el Espiritu Santo por al favor recibido
Lucy

Ombudsman di Aruba ta wordo eligi como Regional Director di Caribe y Latino America di IOI

ORANJESTAD (AAN): Ombudsman di Aruba, mr. sra. Jurima Bryson a wordo eligi como Regional Director for the Caribbean & Latin American Region di e Institucion Internacional di Ombudsman (IOI, the International Ombudsman Institute). Tabata na juni 2025 cu Bureau Ombudsman a anuncia cu Ombudsman di Aruba a bira miembro di IOI despues di un screenmento extenso door di IOI. IOI ta un organizacion internacional cu ta reuni mas di 200



institucion di Ombudsman den mas di 100 pais. Su meta ta pa fortalece cooperacion, bon gobernanacion, transparencia y proteccion di derechonan

humano. Como Regional Director pa Caribe y Latino America, sra. Bryson lo representa e region aki den IOI. E lo yuda tambe pa promove cooperacion y pa comparti conocimiento entre paisnan. E nombramento aki ta muestra cu e trabou di e Ombudsman di Aruba ta wordo reconoci na nivel internacional. Tambe e ta fortalece e posicion di Aruba den e network mundial di Institucionnan di Ombudsman. Sra. Bryson ta masha agradecido cu e oportunidad unico aki: “Cu honor mi ta ricibi e bon noticia

aki pa mi persona y pa Aruba completo. Huntu cu apoyo di mi team nos a establece un instituto imparcial, independiente y profesional riba nos isla chikito. Ta bunita pa wal cu den e fase inicial ya caba ta haya atencion internacional. E outcome ta cu awor Aruba tin acceso na un network mas amplio y cu nos Institucion di Ombudsman ta wordo reconoci riba nivel internacional. Manera mi ta bin ta haci como Defensor di Pueblo di Aruba, mi lo eherce mi rol como Regional Director pa e region di Caribe y Latino America cu dedicacion.”

Holiday Inn ta habriendo hotel na Puerto Plata

SANTO DOMINGO: E proyecto hotelero Holiday Inn by IHG ta cla pa habri na Puerto Plata na Republica Dominicana. E hotel lo wordo opera pa CHC Hotels, cu ta un compania manehador reconoci cu ta opera varios premium hotel, y awor encarga cu e batornan di e marca di Holiday Inn.

E hotel tin 115 camber y a conta cu inversionnan local y internacional. E proyecto aki ta fortalece e diversificacion di Hotelnan, y ta hisa e standardnan di hospedahe den un di e regionnan cu ta creciendo

mas na e pais.

E hotel mes lo cuminsa ricibi turista entrante 10 di Mei 2026, y lo tin Bar, Restaurant, espacionan versatil pa eventonan corporativo

Cuatro cas lo ta awemainta sin awa na Balashi

ORANJESTAD (AAN): Riba awe Diahuebs 19 di Februari 2026, e compania WEB Aruba NV lo bay haci trabao di mantenimiento den area di Balashi y Barcadera.

Esey nifica cu for di 8:30 am te cu 11:30 am, e casnan aki lo no tin awa, esta Balashi 73, Balashi 75, Balashi 76, y Balashi 77.

WEB Aruba NV ta ofrece su disculpa pa e inconveniencia.



Cu profundo tristeza Directiva, Staf y Personal di Lotto ta anuncia fayecimento di

Reginaldo Antonio Allee

Na bida ruman di nos colega Myrtha Petronia

Nos mas profundo palabranan di condolencia ta bay na henter famia

Oracion pa awe:

O Tata, tene misericordia cu nos den e tempo di arrepentimento aki. Habri nos curasonnan pa bo Palabra, cura nos heridanen di pica, yuda nos haci e bon den e mundo aki.

AMEN.
G.C.P.A



Aurora
Royal Pray's
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento y Invitacion



Isaias "Sai" Hernandez

Un danki na tur cu tawata presente y un danki na tur esnan cu no por tawata presente. Pero cu den nan oracion y curazon tawata hunto cu nos.
DANKI

Alabes nos kier invita tur famia, amigo(a)nan y conocirnan pa asisti na 1 Santo Sacrificio di misa cual lo tuma lugar diasabra 21 februari, 2026 pa 7pm na Misa Santa Filomena na Paradera

Bo(so) presencia lo ta altamente aprecia

NEW MOVIES FEBRUARY 19TH

FIND MOVIE TIMES
THEMOVIESARUBA.com



THE MOVIES | **GLORIA**
princess diversity entertainment play



SOLO MIO



IS THIS THING ON?



HAMNET



MARTY SUPREME



ONE BATTLE AFTER ANOTHER RE-RELEASE



EPIC: ELVIS PRESLEY IN CONCERT

PRE-RELEASE ON FEBRUARY 21 & 22 IN IMAX



TWENTY-ONE PILOTS CONCERT

EXCLUSIVE IMAX PREVIEW ON FEBRUARY 25 IN IMAX

Ebrina Ana Catharina Curet a gradua di Universidad di Aruba



ORANJESTAD (AAN): Dia 10 di februari, 2026 a gradua na e Facultad di Ley na Universidad di Aruba, Ebrina Ana Catharina Curet.

Riba e fecha ey, en aula di Universidad, Ebrina a gradua defendiendo su tesis titula: "Het recht op een gezonde voedselomgeving van kinderen op Aruba. Bescherming tegen obesitas en NCD's."

Miembronan di e comision di examen tabata mr. dr. B. Deogratias, mr. B. Huisjes y MSc. G. Cheuk a Lam, PhD. DIARIO y Universidad di Aruba ta felicita Ebrina Ana Catharina Curet cu su logro y hopi exito den futuro.





Señor ta mi wardador, mi'n tin falta di nada; Den cunucu di yerba berde e ta ponemi sosega. E ta hibami na awa trankil, pa mi bolbe haña forsa.
Salmo: 23

Nos ta anuncia fayecimento di:

Filomena Isabel Angela
***08-07-1946 - +12-02-2026**

Ceremonia di despedida, lo wordo teni na Hulanda dia 20 februari 2026



**VALUE
YOU'LL
LOVE!**

ONLY AT AMC UNICON!

**GREAT
DEALS**

& HUGE SAVINGS!

SHOP TODAY & GET
UP TO 2 FREE
INSTALLMENTS!

PLUS FREE DELIVERY
FOR CREDIT CUSTOMERS!

Promotion Ends February 28th, 2026.

Conditions Apply.



Save AWG201

MEMORY
16GB
STORAGE
512GB
OS
WIN 11
AMD
RYZEN

ACER
ASPIRE 3 15.6"
LAPTOP
AL1543PR47E
**NOW
AWG1299**
WAS AWG1499.99



Save AWG201

MEMORY
8GB
STORAGE
512GB
OS
WIN 11

ACER
15.6" LAPTOP
AL1533P386KE

**NOW
AWG999**
WAS AWG1199.99



Save AWG401

OS
WIN 11
INTEL
CORE i3

HP
14" LAPTOP
14-DY2001LA

**NOW
AWG1199**
WAS AWG1599.99



Save AWG301

SAMSUNG
10.9" GALAXY TAB
SM-X510NZAETPA

**NOW
AWG999**
WAS AWG1299.99



Save AWG31

RADIOSHACK
BLUETOOTH SPEAKER
20W IPX5
4001783

**NOW
AWG119**
WAS AWG149.99



569-2407
AMC EAGLE
MEGASTORE

568-9070
AMC
SAN NICOLAAS

HORARIO: 9AM - 6PM
DIALUNA PA DIASABRA



Minister Arthur Dowers a haci un bishita di trabao na DIMAS

**A reafirma compromiso pa mehoracion structural*



ORANJESTAD (AAN): Diamars mainta, Minister di Husticia, Integracion, Transporte Publico y Energia, mr. drs. Arthur Dowers, a haci un bishita di trabao na Departamento di Integracion, Maneho y Admision di Stranhero (DIMAS). Durante e bishita aki, Minister Dowers a tene un reunion constructivo cu Directora di DIMAS

Kathy Ruiz-Paskel. E bishita tabata enfoca riba evaluacion di proceso actual y identificacion di oportunidadnan pa fortalece y modernisa e sistema, cu e meta di mehora eficiencia y servicio na publico. Minister Dowers a reconoce e esfuerso cu empleadonan di DIMAS ta haci diariamente pa atende un volumen considerable di



peticion y demanda creciente. DIMAS tin un rol crucial den nos pais y ta rekeri inversionnan continuo den innovacion, tecnologia y capacidad humano pa asina por sigui garantiza un servicio transparente, eficiente y confiable pa tur cliente.

Minister Dowers a reafirma cu Gobierno ta comprometi cu un sistema di admision y integracion cu ta evoluciona conforme necesidadnan di nos pais. E meta ta pa sigui reduci e tempo largo di espera, aumenta claridad den proceso y fortifica comunicacion cu

cliente. Ta trahando riba un sistema solido, moderno y humano den cual integridad, respet y responsabilidad ta keda e base di e maneho. Hunto cu DIMAS, nos ta sigui construi un sistema cu ta sostene desaroyo y estabilidad laboral na Aruba.